



Lit: 150.

~~C 7833~~

Ud 5240

*[Faint handwritten text, possibly "Biblioteka Jagiellońska"]*




SID10010443

Biblioteka Jagiellońska

Bam. Ud 5240 (1-6)





6


LUCTVS  
SENATUS POPULIQUE  
GEDANENSIS  
SUPER  
EXCESSV  
CLEMENTISSIMI DOMINI  
NOSTRI  
SIGISMVNDI  
III  
POLONORVM  
REGIS ELECTI  
SVEONVM HÆREDITARII  
DUCIS PRUSSIÆ. &c.

DESCRIPTUS  
ORATIONE

habita  
in Gymnasii Patrii Auditorio maximo  
præsentibus viris lectissimis ex omnibus  
ordinibus

ANNO M DC XXXII. DIE XXV MAJI.

à  
JOHANNE MOCHINGERO GEDANENSI  
Concionatore ædis Catharinæ & Rhetore  
Gymnasii.



DANTISCI.

Sumptibus & Typis GEORGII RHETII, Reip: & Gym: Typogr:

ANNO M DC XXXIII.

I M M O R T A L I  
H O N O R I  
S I G I S M U N D I I I I  
S A C R V M.

A P V D  
A M P L I S S I M U M S E N A T U M  
U R B I S P A T R I Æ.

D E P O S I T V M

A B  
A V T O R E.

1133483

A M P L I S S I M I  
P R Æ C O N S V L E S E T C O N S V L E S.



Mbrofius Antistes Mediolanensis mihi exemplo præluxit, qui oratione funebri obitum Valentimani Imperatoris profecutus est. Eum sequi piwm omnino videbatur, quum illetabile nuncium de excessu SIGISMVNDI III. Regis ac Domini nostri, Urbem hanc luctu implevit. Debemus funeribus charissimorum quorumcunq; lacrymas, amoris, dolorisq; indices: at Regi nostro stipendiaria sit hæc oratio mea. Vobis autem eam exhibeo, quibus ratio Regiarum pensionum in hac Vrbe colligendarum est concredita: ut, si ita videatur, reliquæ opum vi adjiciatur, velut teruncius a cive non pecunioso quidem, at grato exolutus, animi solatiq; gratia super hoc lamentabili casu & in hac communi orbitate nostrâ. Ut enim nummis insculptis commendari solet ad posteritatem rerum cum publicâ letitiâ conjunctarum memoria: ita hæc pagella inter omnes circumferant vestram meamq; mœstitudinem super tam tristi hoc obitu optimi & in nos benevolentissimi Regis, ad sempiternam posterorum recordationem. Ceterum, nec vos quidem sine laude aut voto dimittere hinc congruum esset, quibus Optimus Maximus Rex Regum Immortalis benedicat, quod Dominum vestrum optimis recordationibus prosequimini, & quàm agrè eo careatis, cultu, sermoneq; exprimitis. Optime sibi de fidelitate vestrâ polliceri potest, quisquis occupabit locum SIGISMVNDI. Cujus honorem commodis ac fortunâ vestrâ atq; civium charissimorum vos potiore habuisse publicè constat. Valet, & feliciter rem agite: ut DEO charos, Regi fidos, Patriæ utiles omnis vos celebret memoria. Kalendis Junii.

V. V. A. A.

fide observantiâ & votis deditissimus

J. M.

A 2

AUDI

AVDITORVM CONVOCATIO.

AD  
VNIVERSOS ET SINGVLOS

IN  
URBE NOSTRA.

QVIBVS

MEMORIA

SIGISMVNDI III

VENERABILIS ET JVCVNDV.

LECTORES MEI



N annos ire debet, quanto in luctu Vrbs  
nostra fuerit, posteaquam amissimus SI-  
GISMVNDVM III. Regem no-  
strum, canitie, prudentiã, clementiãq;  
venerabilem; qui examusim XLV toti-  
dem annis, quot CASIMIRVS JA-  
GELLONIDES, quasi DEVS qui-  
dam Tutelaris, Vrbi nostræ Regnoq; Polonico præfuit. Qua-  
propter, si quidem id utile esse in eam rem potest, ego ejus nego-  
tij interpret es ero, atque dicendo scribendoq;, quoad à me fieri po-  
test, mœrorem hunc nostrum exponam, ut isthãc quãcunq; ratio-  
ne memoria ejusdem posteris prodatur. Non nescius sum mul-  
ta hic à me expectatum iri, versaturo in amplissimo dicendi ar-  
gumento: neque ita mihi placeo, ut non perspiciam, quid quan-  
tumq; sit, quod præstare possim. Verum tristitia, que ani-  
mum meum in communi hac orbitate nostrã invasit, ut confido,  
excusabit me, si quid ornatisimo confesso & lectissimorum ho-  
minum frequentia minus dignum attulero. Nec in luctu verba  
pendenda; sed affectum spectandum esse scimus. Neq; deerit  
argumentum venia, si fortean expectationi non respondero, à  
temporis brevitatem: quum literis proditum sit, Isocratem de-  
cennium impendisse pectendo calamistrandoq; panegyrico. De-  
nique, si quantumcunq; etiam ad dicendum se parandi tempus  
concederetur, non mei similis tantum, sed disertus quisque suam  
infantiam sentiret in tam eximiis, tanti tamq; grandævi  
Regis

Regis virtutibus & meritis deprecandis. Ideoq; quorumvis  
aquitas securum me esse jubet, fore, ne pia voluntatis officium  
temerè improbetur. In re tanti momenti & voluisse sat erit.  
Sin digna auribus, præter spem meam, fuerit visa oratio, pro-  
babitur: sin, secus, veniam merebitur à studio colendi Re-  
gem tot annis de nobis optimè meritum. Civis Vrbs hujus  
Regno concorporis & indigena, cum aliud præstare mea tenui-  
tas non possit, hoc conatu meum in manes Regis pietissimi affe-  
ctum & cultum testari volo. Exemplo à pictoribus sumto, qui  
quomodocunq; effingant, Regem depictum exhibent: vel ut  
eopse suam in summam Majestatem observantiam exprimant,  
vel quod persuasi sint, charam multis mercem esse, eamq; juxtim  
vendibilem. Quamvis non me fugiat Alexandrum noluisse  
se pingi nisi ab Apelle, aut fingi nisi à Lysippo, præstantissimis  
sue ætatis Rosciis; quibus artis gloriam non invideo, pietatis  
verò in Magistratum laudem nequaquam concedo. Adeste ta-  
men atque comparete, qui literas didicistis, vel rogatu meo, vel  
ut vos per charum magè nomen obtester, quibus Serenissimi SI-  
GISMVNDI memoria sacra est. Qui quondam magno  
numero densãq; catervã vicis opplevistis, eum videndi causã,  
quum Urbem nostram honore præsentia suã illustravit.

Quum studio effusæ matres, & vulgus inermum  
invalidiq; senes, turre & tecta domorum  
obsedere - -

Dicturus sum, bono cum Deo, in Gymnasii nostri auditorio  
majori die XXV Maji horã præcisè decimã de causis, quæ  
nos pepulerunt ad luctum istum, in quo versamur, super  
excesu SIGISMVNDI III. Regis nostri: cui de felici-  
oris vitæ luce, quã nunc fruitur, gratulamur equidem; verum  
de nobis dolemus in his tenebris relictis, usque dum aliud afful-  
geat sidus salutare, quod precabimur. Valet. Scripsi die  
XXII Maji Anno M DC XXXII.

# ORATIO.

MAGNIFICI DOMINI PRÆCONSVLES  
ET CONSVLES, DOMINI MEI OBSER-  
VANDI, SPECTABILES DOMINI SCA-  
BINI, REVERENDI FRATRES, EXCEL-  
LENTISSIMI VIRI & Auditores reliqui, Specta-  
tissimi, Florentissimi, literaturâ & virtute undiq; orna-  
tissimi



Væ dicturus sum, æquis animis acci-  
pite, & aures benevolè advertite. Quod  
etsi in hoc argumento, in quo versabi-  
tur oratio mea, rogare vix est necesse:  
tamen, ut solemne teneam, etiam atq;  
etiam vos oro.

SIGISMUNDVS REX,  
PATERQVE NOSTER CLEMENTISSIMVS nobis hæc lu-  
gubria fecit. Cujus memoria per tot annorum seriem sem-  
per nobis suavissima fuit: nunc è vivis sublata semel perquam  
tristis est, & summo cum mœrore conjuncta. Ab istâ cau-  
sâ est, quòd hi parietes, atque hæc subsellia, quæ ferè solent  
peristromatibus & aulæis ornari, ut coronam specie & splen-  
dore exhilarent; jam pullo & lugubri panno, mœstitudinis  
indice, instrata, cum nobis collugere videantur, tum ad dolo-  
rem nostrum accendendum, si summo mœrore, qui cor inva-  
sit, quicquam accedere potest, nos impellant. Summus  
ordo Patrum & Procerum, qui splendore amictus dignita-  
tem suam ostentare solet, togas talaris atq; atratas humeris  
injecit: ut, quantam conceperit tristitiam, vultu, gestu, cul-  
tuq; præcipuè prodat. Religiosi Ecclesiarum Antistites,  
quàm acerbè ferant hoc fatum, publicè satis superq; testati  
sunt, & penè fletum planctumq; orationibus suis flexanimis  
nobis excusère. Ad exemplum vulgo nobiliores fæminæ,  
hilaritatis & mundi studiosissimæ, non vestium tantum, sed  
& oris purpuram averfantur. Campanarum murmura &  
lessi singulis diebus insonant, ac plangunt, amisum esse de-  
cus præsidiumq; nostrum. Deniq; & hoc Lycæum  
non ultima pars Urbis nostræ, quid hoc de publico atque  
com-

communi patriæ luctu sentiat, me interprete palam ad om-  
nes dimanabit.

Cæterum parva tamen ista sunt atq; exigua, quæ SI-  
GISMUNDO nostro desideratissimo pro summis in nos  
beneficiis rependimus. Sive recolamus memoriâ, quæ alii  
in Regum, Ducumq; suorum funeribus celebrandis religiosè  
observavere: sive quæ à nobis jure suo quasi exigere possunt,  
nisi ingrati mori velimus, quàm plurima ac per tot annorum  
spatia ejus in nos continua merita. Apud omnes enim gen-  
tes, vel linguarum diversitate disjunctas, vel montium atq;  
fluviorum septis disseparratas, vel rituum atque legum varie-  
tate distinctissimas, tralatitium fuit: eorum, qui magistratum  
gesserunt, exequias pompâ & apparatu exquisito exornare.  
Quasi hæc non scripta, sed nobiscum nata lex esset, REGEM  
HONORANDUM esse, cum vivum, tum exanimum. Ut  
de vetustissimis atque certissimis primo loco dicamus, è sa-  
cris monumentis constat, præclarum fuisse studium gentis  
Hebraicæ in Mosen, qui populum ex Ægypto, eductum in li-  
bertatem aseruit. Eum enim vitâ defunctum, & in mon-  
te Nebone divinitus sepultum universa multitudo tricenos  
dies luxit, diutius luctura (ut credere fas est) nisi mos gen-  
tis obstitisset. Totidem quoque dies deplorarunt Aaro-  
nem, cum è vitâ dignitateque Summi Pontificis, quæ primò  
in eum unquam collata est, evocatus esset. Quisquis adfu-  
isset in utroque funere vel spectator vel auditor, admiratus es-  
set ejulatum planctumque genti familiarem. Quo viso au-  
ditoq; Cananæi in justis Jacobo persolutis obstupère. Quid,  
quod Saulis quoque primi suæ gentis Regis, nec usquequaque  
boni, qui in Philistæo bello interitus sui præscius & accelera-  
tor occubuit, corpus, quod in mœnibus urbis Bethsanæ ab  
hostibus ad ludibrium gentis in crucis patibulum sublatum  
erat, Jabisanæ cives periculo se fortiter exponentes, hostibus  
atque ludibrio furripère, ac cadaver funerarunt publico lu-  
ctu, jejuniis septem dierum omni ætati atque sexui indicto.  
Ut minùs mirandum sit, Josiæ undecunque optimi ac penè  
innocentis Regis exitum huic populo tam luctuosum fuisse.  
Ut ipse divinus vates, ætate ei suppar, nœniam super eo, com-  
posuerit, quo cum certarunt lugendi & lamentandi studio  
Musici

Deut: XXXIV

Numer: XX

Genes: L

I. Sam: XXXI

II. Paralipom:  
XXXV



Musici Musicaeque omnes. Ac post omni aetate tam jucundum hujus Josiae nomen fuisse celebris in gente ista scriptor Sirachi filius memorat, ut suffitus unguenti naribus gratissimus est, aut mel in ore, vel melos in aure. Si porro ad profanas literas digredi lubet, plura reperiemus, e quibus quaedam impiam nationum pietatem equidem praeseferent; at intolerabilem subditorum moerorem ob Regum suorum interitum indicabunt. Aegyptii, ut Diodorus refert, Regis sui mortem communi moestitia luxerunt, vestes lacerarunt, templis clausis forum non frequentarunt, festa solemnia non egerunt dies LXXII, luto capita deturpantes, ac sindone subtus mammis cincti una viri mulieresque circumambulaverunt, bis in die novantes luctum, atque ad numerum cum cantu virtutes Regis numerantes: cibis animantium, coctisque ac vino & omni mensae apparatu abstinere: LXXII dies itidem non unguentis, non stratis, lectis nec Venere usi sunt: sed tanquam defuncto filio per eos dies moerentes planxere. Apud Graecos vero, quod magis mireris, usurpatum fuit, ut imperatore aut duce fati perfuncto, cum funus efferebatur solemnipompae, propugnacula emoenibus diruerentur, templa & arae subverterentur, Lares abjicerentur (vah pietatem paganam!) partus exponerentur, cibo astinerent, ignis quoque extingueretur. Hos secuti sunt Romani, a Graecis non pauca mutuantes, a quibus, ut discere est ex Tranquillo, in ipso die, quo Germanicus Drusi filius extinctus est, lapidata sunt templa, subversa Deum arae, lares a quibusdam familiares in publicum abjecti, partus denique conjugum expositi, ac penes insano & furioso moerori vehementer indultum. Ast vero, ut infinitum esset plures solemnium varietates, aliis populis, etiam recentioribus, frequentatas dicendo exponere: ita absolum foret, Polonorum in demortuos Reges observantiam hoc loco nec commemorare, nec laudare. Illi, quum Boleslaus I, qui Rusos in primis obnoxios sibi reddidit, a quibus Chrobri, hoc est acris, ob animi magnitudinem, cognomen accepit, mortalitatis legem explevisset, optimo Principe orbatu annu solidum in tanto luctu fuerunt, ut neque convivia ulla celebrarentur, neque choreae usquam agerentur, neque vestibus cultioribus quisquam nobilium virorum aut faminarum uteretur.

Imitan-

Imitantes in eo pietatem Romanorum, qui, Constantino M. mortuo, foris ac ludis abstinuerunt, & omnino omnia, quae prosperis laetisque temporibus celebrari solita erant, intermiserunt. Ac matronarum ex eadem gente, quae aliam tempestate Brutum & Valerium Poplicolam luxere auro & purpura abstinentes. Nec ullam rationem praeterire possumus descriptionem exequiarum SIGISMUNDI Augusti tanto Rege ac Regno prorsus dignarum, hoc est, non minus luctuosarum, quam apparatusimarum. Quicquid mortale Regis fuit, Varavia devehebatur Cracoviam, quae Regnum ex ambientibus, Coronam; Regno, vitamque defunctis sepulturam praestat. Republicae Proceres utriusque ordinis confluerant ad funus honestandum, omnes lugubribus induti. Similiter aderant matronae illustres pullis velamentis atque ciliciis capita obvoluta ad testandum dolorem. Aera circumquaque perstrepebant, quibus urbs & vicinia late personabant, ut clamor caelo iret. Tum funus plumbeo loculo inclusum & serico velamine nigro obductum, insignibus Regni ornatum, ab octo equis mirae nigredinis efferebatur: aulicis circumquaque serici villosi tegumenta longae per terram errantia tenentibus. Post longum syrma Primorum ac catervae sequebatur. Omnibus unus habitus. Etiam equi pretiosi instrati erant, & Regis insignibus armati, ac vexilliferi equis insidentes. Funeri prope anteibat Bernhardus Macejovius totus cataphractus gladium auratum cuspede ad latus converso gestans, quem armiger atratus hastam inversam sequebatur, vexillum ac scutum praeferebat. Reliqui em Senatoribus, pomum, sceptrum, coronam, summarum dignitatum symbola, portabant. Cantores decantantes threnos subsequerentur Legatos, Nobilitatem & Senatum urbis. Hinc plus quam quatuor millia cum funeralibus accensis. Cum in aedem cathedralem, quam undiquaque cerei illustrabant, ventum esset, feretro regalia imponebantur & Regis virtutes funebri sermone sunt expositae. Deinde sacro piaculari instituto, cataphractus eques cassidem habens plumarum loco cereis ardentibus radiantem equo dilabatur, fractaque hastam gladium abjicit & solemnitione inchoata Cancellarius & Procancellarius Sigilla Regis mortui confringebant. Cateri sceptrum altari imposuerunt,

Signon: lib: V

Sabellic: lib: VIII Ennead: II

Vide Neugebauer in Historia Pol: lib: IX pag: DCXLIII

in lib: Sirac: c: XLIX

lib: I. c: VI

Alex: ab A. lexand: lib: III cap: VII

in Caligula.

Neugebauer in Icone & vita Boleslai I.

XXX

runt, quibus factis ire licuit & concio misa est. Eadem celebritate in Mausolæa majorum cum Artemisæ suæ cineribus inferentur exuvie SIGISMUNDI, qui nunc relictam in orbitate universam Poloniam moestissimo luctu implevit. Posteaquam more prisco, quod felix fortunatumq; fiat genti Polonicæ, salutiq; nostræ, alius Rex suffragiis Procerum suffectus fuerit. Sic enim in hoc Regno comparatum est, ut securitate publicâ vix salvâ permanente Regii manes tutò condi possint, nisi novi Regis autoritas quidvis licenter auros sub metu teneat.

His exemplis, AUDITORES, nostrum accedet, quum in præsentia lugemus obitum SIGISMUNDI nostri, ut justa ei, licet absenti, persolvamus. Inprimis tanto, tamq; in nos propenso Regi. Qui impetio DOMINUS, affectu PATER fuit. Quod cum antè sæpè cognovimus, præsertim in turbis nuperis recentia, eaq; luculentissima ejus rei documenta accepimus. Quàm ille absens crebrò ad Senatum nostrum (quod præsens æquè fecerat) in clementissimis suis atq; auro contra servandis, non tam ad fidem, constantiam, & pristinarum virtutum laudem toti orbi notam nos hortabatur: quod fieri non necesse arbitrabatur, nihil dubitans de istis, quod iterum iterumq; in compluribus literis disertè indicavit; sed ubertim curam atque Regiam sollicitudinem suam de Vrbe optimè de se meritâ, saluteque nostrâ inviolatâ servandâ exposuit, explicavit. Eam ob causam ipse à militari strepitu alienissimus & senilem requiem anhelans spretis omnibus

*de literis datis die XVII Septembr: Anno M DC XXVI* difficultatibus atque molestiis (verba Regia usurpo) cum valido exercitu ad defensionem, præsidiumq; nostrum Vrbi se admovit. Paratus canos suos periculis objectare, ut à nobis impetum malorum imminentium quâcunque ratione propulsaret. Cæterum, quæ promissa in sacratissimis ejusdem epistolis circa hanc tempestatem scriptis legantur, illi norunt, qui eas viderunt, & ad quos istæ spectant. Inter quæ hæc sunt, quæ ex datis die XXV. Julii. ANNO M. DC. XXVI. & ipsius Regis manû recitare honorificum videtur, ac rei confirmandæ maximè idoneum. *Nos non tantum fidelitates vestras usitatis Clementiæ nostræ favoribus prosequemur: verum etiam amplioribus immunitatum & privilegiorum gratiis*

*augebi-*

*augebimus.* Quæ sanè velut liberaliter Rex clementissimus in his aliisq; literis pollicitus est: ita suo loco & tempore implevit. Hic meritò atq; opportunè commemorabo gratiam Vrbi nostræ concessam & Procerum Regni suffragiis confirmatam, de autoritate muniendi panni transmarini sigillo Vrbi nostræ: ne ullus impofterum pannus ejus generis in Poloniam liberè transportetur, ubi frequens & prodigus ejus usus est, nisi qui fide nostrâ approbatus & commendatus sit. Quæ & quanta Regis in nos gratia, ac memorabile benevolentia suæ munus sit, censeant, qui velint, modò nobis non usquequaque malè velint. Quantumcunque etiam aliis placitum fuit, ut expiraret hoc beneficium, Rex tamen in eâ sententiâ perstitit, non invidendam nobis eam gratiam: quibus deberetur & æs præsens quingentorum millium & alia rerum honestè gestarum præmia: sed ut eâ à Se Regnoq; velut benè meritis liberaliter concessâ utamur, fruamur, gaudeamus. Quasi eo se nobis æternam sui memoriam commendare voluerit. Non secus ac optimis recordationib; prosequi necesse habemus benevolentissimum in nos Regem, ut cæteras ejus dotes, quibus cumulatè instructus fuit, silentio veneremus, CASIMIRUM Jagellonidè: à quo prima privilegia, præcipua gratiæ suæ in nos pignora, cum sempiternâ Casimiri nomen recordatione possidemus: postquam nos in fidem clientelamq; suam ac Regni Poloniae suscepit & nostra in Regnum studia prolixè laudavit & approbavit. Quæ hæctenus dicta sunt Rempublicam concernunt, quam SIGISMUNDUS Rex velut in sinu suo fovisse & gestasse videtur: quod eo etiam argumento testatum fecit, cum ferè ab iis, qui ex hac Vrbe in conspectum suum venerunt, sapius sciscitatus fuit: Quid Gedanenses mei? Quam Regiam, paternamq; ejus sollicitudinem meritò extollimus & exosculamur. Quid dicam? quantâ ille comitate coluerit Consules nostros. Vidit hanc plebs, cum Rex intra hæc mania nostrâ fuit. Eandem gratâ memoria conservant alii, qui eam sibi Waravia exhibitam norunt, & gratulantur sibi. Cænum caput nonnemini, quod nos memoriâ tenemus, ita amplexus est, ut non obscure indicaret, quàm non ignarus esset fidelitatis & operæ sibi, honoriq; suo conservando ab eo na-

*extat hæc de re Constitutio Regni publica. A.º. M DC XVIII promulgata.*

vata. Alterius causâ cum ad Summatem Germaniæ scripsisset & optimū Senem laudat, quem propenso suo affectu specialiter dignum judicaret: & plurima integritatis ejus ac summi de Se præclare majorum suorum exemplo optimè merendi studii argumenta, quæ edidit, innuit. Longum & invidiæ obnoxium foret, aut alia venari, quæ me latent, aut ea propalare, quæ latent, & inter totidem perire, quot Rex & illi sunt, qui tantâ florûere gratiâ, ut quem locum apud SIGISMUNDUM obtinuissent, quoq; numero essent, probè intellexerint. Nec civib<sup>o</sup> quidem nostris aditus ad Regem, ut omnibus obvius & exposit<sup>o</sup> fuit, difficilis: quos semper habuit cum reliquis quibuscunq; in charissimis. Possem istud, si opus esset, exemplis speciatim firmare; sed summa tantum rerum, Regiarumque virtutum fastigia ostendo. Quas inter non postrema est, si civitates civicosq; habeant in deliciis. Nescio, quî multis, quod veniâ bonorum Numinum dixerim, in tantâ potentiâ, quum unus imperitat multis, invidiosa & invisâ sit Urbanorum fortuna. Quibus volupe est non tondere tantum, sed & deglubere pecus Urbicum: atque malunt multos vicanos sanguinis operam præstituros, quàm istos intra aggeres & cryptas cuniculos: Qui, quod simul liberè agnoscimus, opibus suis turgidi ubera sua subtrahunt, & dentes quandoque obvertunt. Aliamens fuit SIGISMUNDO I. qui cum probè pervidisset, in tantâ Reipublicæ Polonæ felicitate, vix quicquam ei deesse, præterquam urbium copiam & splendorem, ac qui eas incolunt: impensè favit iis, qui artes vitæ necessarias & urbes excolerent. Hujus in Regno succesfor & providentiâ civili suppar SIGISMUNDUS noster, cognominis vestigia premere voluit: & urbium vel conservandarum vel ornandarum frequentes cogitationes habuit. Vtriq; verò exemplum reliquit CASIMIRUS Magnus in oppidanos atq; agrestes propensissimus ac indulgentissimus. Ut vulgò rusticorum sive plebejorum Rex vocaretur.

Hunc, hunc Regem, hunc Parentem, concives mei, habuimus. Luctus & mœror, qui ferè præpedit disertissimos quoscunq;, nobis verborum flumen suggerit. Tam multiplex hîc enim de tanto, tamq; longævo Rege dicendi materia suppetit, ut propè infanti vix sermo deesset. Neq; opus est

minu-

minutissima quæq; dicendo persequi; sed strictim tantum attingere & rem in pauca conferre. Audeo ego & intrepidè, & si quid in me judicii est, bonâ cum veritatis pace, Regem hunc nostrum, cujus lineamenta depingere exorsi sumus, cum primo principeq; populi divini Imperatore in haud paucis comparare. Quem is ita examusim alicubi refert, ut mireris, si advertas & oculos aciemq; intendas. Communis sanè iis ante omnia fors & locus est in nativitate. Quorum ille vitales auras hausit, cum gens paterna captiva esset ac velut in carcere detenta, quem furno ferreo ipse alicubi confert: ac, quod omnes in stuporem conjicit, in profluente intergenistas, ubi expositus erat, non saltem conservatus, sed & in spem Regiæ dignitatis post educatus est. Ita uno exemplo, quod perpauca ignorare credo, vitam hanc ingressus est Rex noster Gripsholmiæ ANNO MDLXVI. die XX Junii horâ IV. pomeridianâ: quum Johannes Finlandiæ Dux, SIGISMUNDI nostri parens unâ cum familiâ & Catharinâ conjugè, è stirpe Jagellonicâ prognatâ, quæ & Regis filia, Regisq; soror, Regisq; nostri mater fuit, ab Erico fratre in carcerem quadriennale (intra quod tempus, tertio custodiæ anno natus SIGISMUNDUS) detrusus erat. Quod non inglorium est memorare, postquam ea, quæ supra recensuim<sup>o</sup>, de seipso ad omne ævum Mofes scriptum reliquit: nostri verò Regis fatum jam pridem publicis monumentis insertum est. Ut propè mirum non sit, ab afinis & ovibus à Summo Rege, quem penes arbitrium est & vis & norma regendi ad solium & sceptrâ priscè Reges vocatos esse. Intra custodiæ septa lucem primò adspexit SIGISMUNDUS: Moses in cistella è viminib<sup>o</sup> abjectus est: in præsepi vagiit Summi Regis filius & Regni cœlestis, terrestrisq; hæres, ac Judæorum & Gentium immortalis Imperator. O prodigia! Nec defunt alia haud contortæ comparationis argumenta. Quippe illicò se offert institutionis post ortum æqualitas. De Mose Martyrum Coryphæus recenset, quòd à primis annis in sapientiâ Ægyptiorum institutus fuerit, cujus rei aliundè quoq; notitiam habere licet. Similiter in SIGISMUNDO non neglectam fuisse exactæ informationis curam fidenter asseverare possumus. Nisi ratiocinatio aquileges fallit, qui credunt aquas subesse, ubi conspexerint vaporem manè atrolli:

B 3

pari

Herburt: in  
Chron: lib: XX  
cap: IX

Neugebauer  
in histor: Polo:  
lib: III. p: CCV

Thuan: lib:  
XXXIV. &  
lib: CXXXV.

Actor: VII

pari ratione colligere licet ex fidei informatione & diligenti  
custodiâ sibi ista morum, virtutum, ac linguarum Rege di-  
gnarum, quibus in omni vitâ conspicuus fuit, SIGISMUN-  
DUM comparasse. Præter vernaculam Suecicam, Latinam  
& indè natam Italicam, utpote quæ semper apud Polonos in  
summo pretio & usu fuere, addidit, quibus cum voluptate  
audientium singulari, decorè usus est. Germanicam verò  
exactè calluit, cuius cognitionem Polonis ferè utilem esse pru-  
denter innuit illustris vir Herburtus in SIGISMUNDO I. qui  
eam præ reliquis exactius comprehenderat. Polonicam  
maturè ita imbibit, ut in campo Cracoviensi novus advena  
ac hospes pronuper ad regni gubernacula electus, Laurentio  
Goslicio Episcopo Podolia viro prudentissimo atq; eruditissi-  
mo sese oratione vernaculâ excipienti Polonicè aptè & confi-  
denter responderit. Quod Polonis gratisimum quidem  
accidit, ut Regem foris petitem patriâ linguâ loquentem ha-  
berent. Cujus rei consideratio in electione ejusdem, cum  
Regno commendaretur, instituta fuit. Tanti sunt hæc lin-  
guarum ornamenta, ut in Regibus quærendis & laudandis  
eorum ratio habeatur. Ab his è veteribus innotuit posteri-  
tati Mithridates, qui XXII gentibus suâ cuiq; linguâ, hoc  
est, ut ego interpretor, nisi me omnia fallunt dialecto peculi-  
arijus dixit. E recentioribus in ore fermoneq; omnium est  
Elisabetha Angliæ Regina sexum universum, atque multos  
Reges post se relinquens: quæ uno & eodem die tribus maxi-  
morum Regum Legatis, Latinè uni, alteri Gallicè, tertio Ita-  
licè respondere audita est. Quâ in re, etsi omnium admira-  
tione digna sit, nulla necessitas fuisset SIGISMUNDO cede-  
re, qui idem æquè præstitisset, si linguæ numerandæ sunt, non  
comparandæ. Levia tamen hæc sunt, nisi alia essent, quæ in  
Rege nostro contemplari & mirari ordo postulat. In ardore  
erga res sacræs visus est multis Antistites vincere. Geometri-  
am, hoc est, eam disciplinam, cujus scientiam ab initiatis A-  
cademiæ suæ pertinaciter Plato exigebat, haud perfunctoriè  
attigerat. Ad modulationum suavitatem non aures tantum  
teretes & perpurgatas afferebat: sed & poterat Symbolam se  
dignam conferre. Cæli atque pictoriæ artis specimina non  
tantum iudicare, verum & exhibere valebat. Sed neq; reli-  
quam

*in Chronic: lib:*

*I*

*Thuan: lib:*

*LXXXVIII*

*Plin: lib: VII*

*cap: XXIV*

*de Caspar: Ens*

*histor: Belgicâ.*

*Lans: in Ora-*

*tio: pro Galliâ,*

*p: CLXXXIII.*

quam sapientiam ignorabat, ut vel Plato Dictator viso hoc  
Rege dixisset: Felicem esse Rempublicam, cui præeset SI-  
GISMUNDUS noster sapientiâ haud leviter imbutus, quam  
ille profus in Regibus requirebat. Virtutes verò quales,  
quantâq; in illo fuerint, nunc exponere conabimur: si nostra,  
aut ulla oratio iis exponendis par esse potest. Veluti enim  
quorundam scelera benè dicendi facultati non respondent: i-  
ta quædam in aliis egregia facta dictione explicari satis ne-  
queunt, fermoneq; & laude sunt superiora. Patientia, Pati-  
entia & animi moderatio inprimis eluxit in Rege nostro, cu-  
jus splendor è SIGISMUNDI vitâ inspectâ sic præstrinxit o-  
culos meos, ut non usque adeò advertam ad reliqua virtutum  
ornamenta. Ceu cum Adamantem insolitæ magnitudinis &  
lucis in coronâ aut veste Regiâ intuemur, reliquas gemmularum  
vix pensi habemus. Atq; hic occurrit nova SIGISMUNDI cum  
Mose comparandi ratio. De hoc extat in sacris commenta-  
riis, quod etsi undiq; vexatus, mitissimus tamen fuerit: & ut  
Josephus eum depingit, quod affectus semper in potestate ha-  
buerit, ut omninò illis carere videretur, & nomina tantum  
eorum ex his, quæ in aliis hominibus conspiceret, cognita  
haberet. Nolim unquam mihi credi, nisi ejus virtutis simi-  
lia quædam exempla in SIGISMUNDO ostendero. Immò fi-  
dem faciat assertioni meæ verbis suis Thuanus, qui an fide,  
an faciendâ majore, opus suum contextuerit, ignoro: quod  
quibuscunq; annalium conditoribus palmam ambigam fe-  
cerit, haud mihi ambiguum est. Idem non obscura, è quibus  
mihi depingenda est Regis nostri æquanimitas, aut magnani-  
mitas, ut verius appellanda est, æterno operi suo inseruit.  
Nuncio accepto de Maximiliano competitore, qui nondum  
paci aut saluti Regni, quo exciderat, consulere volebat, capto  
à Zamoscio viro summâ dignitate, fortitudine, literis, studio  
in Rempublicam, fide in nostrum SIGISMUNDUM cele-  
bratissimo, quomodo se geserit, laudatum autorem audia-  
mus. Tantæ victoriæ nuncio accepto SIGISMUNDUS ean-  
dem moderationem servavit, constantiam in vultu retinens,  
nullâq; lætitiæ gestientis significatione editâ statim datis ad  
Zamoscium literis, ne Maximilianum Cracoviam duceret,  
vetuit, ne potius in triumphum, quàm in custodiam tantæ  
digna-

*lib: IV histor:*

*Judaic: cap: ult:*

*lib: IV histor:*

*Judaic: cap: ult:*

*Thuan: lib:*

*LXXXVIII*

dignationis captivus duceretur. O insolens insolentiae repres-  
sa, immò ne leviter in animo Regio se exserentis, victo rivali  
& hoste, exemplum! Quid non crederemus, eum alteram for-  
tem benè præparato pectore adversa tulisse: qui, quòd haud  
facile est, equà mente commoda passus est, & temperatà ab in-  
solentià lætitià. Videamus è multis exemplum unum atq; al-  
terum. Post confederationem, quã Rokosch vulgò appellari,  
notius est, quàm ut à me monendū sit, haud infeliciter dispul-  
sam Cracoviensi & Radzivilio, inter partes autorib<sup>9</sup> principibus,  
non invitus manum porrexit, etsi aliquandiu altercatum  
fuerit. Ex eodem fonte facilitatis atq; tolerantiae fluxit, quòd  
post nuperas turbas Clementissim<sup>9</sup> noster, quasvis poti<sup>9</sup> con-  
ditiones induciarum amplexus sit, & spem duraturae ac solidae  
pacis, in quã vivere desiit, ingressus fuit, præ quàm quòd si-  
multates illas nostro sanguine extingui voluerit. Efferant, qui  
volunt, alios è Regio censu, qui bello ferroq; repulere quas-  
cunq; levissimas injurias: SIGISMUNDUS noster pertulit.  
Illi de aliis victoriam quandoq; reportarunt in causã non us-  
q; ad eò bonã: hic de se, atq; animo suo; qui ut est humanus,  
hoc est, ad sequiora propendens, ultionis dulcedine gustandã  
proritur. Eam pravitatem Rex noster vel non sensit, vel  
non admisit. Itaq; meritò SIGISMUNDUM unã literã ex-  
pirante SIGISMUTHUM vocare possemus: hoc est, Victo-  
rem animi, perturbationumque suarum. Ac, ut ferè tole-  
rantes tuetur sub umbone suo Optimus Maximus, ne noxã  
fit virtutis à se præscripta & exemplo suo commendata studi-  
um: ita Mosen inter tot turbas, seditiones, ac murmura, cle-  
mentissima Divini Numinis benignitas protexit, præser-  
tim cum furor aliquando insanæ plebi lapides ministrasset,  
quibus tantum non obruissent sanctum Dei servum. Simi-  
liter memoratu prorsus dignum est, nec ullã vetustate oblite-  
randum, quod in recentissimã hujus coronæ memoriã erit,  
quid SIGISMUNDO ante non multos annos acciderit, vel  
potius, Deo propulsante, non acciderit. Erat dies XV.  
Novembris ANNI XX. hujus seculi, atra & funesta nobis  
proclamanda, nisi, eo anno Domino sacra fuisset, quæ & Re-  
gi mortem & nobis luctum maturasset, nisi Jova stator Re-  
gum ab uncto suo periculum præsentissimum avertisset. Eã  
die,

Thuan. lib.  
CXXXVI

Siegesmuth.

die, quod ei ferè singulis profectis facere in more positum fuit,  
SIGISMUNDUS ad sacra se contulit, ut his peractis regni ne-  
gotiis, bono cum DEO, vacare posset. Ac eo instituto suo  
utens, cum vix pedem in ædem Johanni dicatam Varfaviae  
intulisset, nefarius quidam, cujus nomen honestas & crimi-  
nis indignitas vetaret exprimere, nisi cum infamiã esset con-  
servandum ad memoriam, Michael Piekarcius uncã atque  
præpilatã clavã quã Czeckanũ vocant, à secando, ut colligo,  
Regem petit, ac plagã, quã faciẽ Regis strinxerat, ut sanguis  
stillans togam tingeret, aliam superaddit, (proh scelus, auda-  
ciamq;!) & Regis, qui jam prociderat, tergum denuò tangit.  
Quasiq; non satis fuisset scelus perpetrãsse, idem mentiando  
auxit, ac pertinaciter in eã sententiã perduravit, non secus  
quàm rectè se, quanquam infelicius ceserit, ut ille quidem  
arbitratur, fecisse; quòd hoc negotii sibi commissum fue-  
rit jam pridem ab Angelo, à Divis Coelitibus, & ab ipso cruci-  
fixi simulacro, quod credidit simplicioris plebeculæ opinione  
incautã fascinatus indicare quãdam. Taceo alios prætex-  
tus, quibus facinus colorabat, tanto sceleri excusando minùs  
idoneos. Tertiãset ictum, nĩ Opalinius eum interceptisset,  
& Princeps VLADISLAUS gladio percussorem fauciasset.  
In quo paulò antè alia quãdam emicuerant Heroicæ indolis  
exempla: quum Severiam & Cernihoviam in Moschis, jussu  
exemploq; paterno subjugavit. Sed hæc studii monumen-  
ta in Regnum fuere, de quo maturè præclare mereri voluit:  
illud pietatis in Patrem fuit. Patere Serenissime Princeps,  
ut obiter hĩc te colam, postquam in tui mentionem incidi-  
mus. Etsi nihil hucusq; in Parente Tuo celebratum sit, quòd  
non hæreditario jure ad Te pertineat. Chara ac ominosa  
Tibi videntur nomina esse: VLADISLAI alterum, apud gen-  
tem Polonicam à VLADISLAO Jagellonicæ profapiae  
fatore celebratissimum: alterum SIGISMUNDI, quod quo-  
ties audimus, Chari Genitoris Tui & reliquorum SIGIS-  
MUNDORUM Patriæ Patrum subit animum memoria. Quid  
de Te non polliceamur nobis, cujus & omen è nomine & spe-  
cimen è factis, & indolem è stirpe æstimamus. Maeste hoc a-  
nimo & per vestigia majorum Tuorum decurre: ut generi, ita  
& magnitudini eorum succedas. Manibus Parentis quidem  
gratu-

C

gratulamur de Te, in quo vivit SIGISMUNDUS, Tibi de Parente, qui Te commendat nobis, ut & pietas ista in Parentem, in quam narrando delapsi sumus, ut famæ demus, boni omnis & spei de Tuis decoribus excitandæ causâ: quæ tantò laudabilior est, quantò detestabilior fuit ficarii impietas. Is quas pœnas luerit, paucis adjicere operæ est pretium. Eodem mense die XXVII. omni honore exutus est, candentibus forcipibus pectus laniatum, scelestam manum ignitus malleus rostratus & prunæ torrentes absumpsere, lava similiter deinde securiculâ à semivivo cadavere avulsa, corpus ab equis distortum & luxatum & humi volutatum, deniq; in ignis ultricem flammam coniectum fuit. Anima diris à populo devota. Dignus tanto parricidâ rigor. At tu, ô summe Deus, in cujus præsidio Reges latent, cohibe in posterum quocunq; tempore tam infanda ausa, ac averte alia ejus generis à cervicibus Regum Polonorum, quicunq; secuturi sunt venturis temporibus: ne ullum in gente hac Regicidii exemplum unquam extet, ut in quibusdam aliis, ubi vicarii tui sacrilego facinore vitâ Regnisq; non rarò miserè exuti sunt. Verùm ne illud quidem, AUDITORES, desiderare quis potest in SIGISMUNDO nostro, quod in Mose omnium laudibus celebratur: qui totis diebus populi causas cognovit, quod & miratus est focer jethro, & consilio subministrato eum ab istâ spontaneâ molestiâ avocavit. Scitis, scitis ipsi & plurimi fando audivere, quam patientissimè toto Regni sui tempore aures suas disertissimis litigantium querelis Rex commodaverit, ac has aurium plagas perpeffus sit. Quasi sibi dictum esse putasset à mulierculâ istâ pertinaciter occlamante: Aut audi me, aut noli Rex esse. Nunc sobrietatem & temperantiam, raram Principibus, aulisq; hodiè virtutem: nunc militares Regis nostri laudes decantarem: quæ rùm in primis in sermone omnium fuere, quum Valachos in tutelam accepit, Rosvanam Transylvanorum Ducem exercitu exiit, paloq; suffigendum mandavit: cum Smolenscum à Moscis ultra centum annos non bello, sed prodicione Polonis ereptam obsidione bienni vastatam & attritam in potestatem suam redegit: ac alia sub auspicio ejus & fortunâ præclarè gesta sunt, nisi viderem me nimium provehi. Abreptus enim sum in

mare

Exod. 18.

*Petricius in  
Historia rerum  
in Poloniâ Anno  
XX. gestarum.*

mare laudum SIGISMUNDIANARUM. Panegyrim tamen contexere non constitui; sed causas luctus nostri, in quo nunc versamur, exponere. Ad vitæ Regiæ exitum, qui mœrorem istum nobis attulit, veniendum est. Vbi ne nunc quidem collationem cum Mose institutam pertexendi deest occasio. Tot annos SIGISMUNDUS non vixit, quot Moses centenarius, ac qui præterea viginti alias hyemes supra centum vidit, quot exactè annos unus exegit inter antecessores SIGISMUNDI Piasus è humili casâ in aula lucem protractus. At quotusquisq; inter Reges, vel homines promiscuè cum cervis aut cornicibus tamdiu durat. Inter Reges Poloniæ nullus est, qui post Piasum Principem ejus gentis (nam eâ tempestate summa autoritas penes Principem erat) centesimum annum attigit. SIGISMUNDUS I. Avus nostri Divi octuagesimum paucis concessio leniore vitæ exitu absolvit. Noster Anno LXVI. postquam ante triduum ægritudinem paulò sensisset, ab attonito stupore concussus & catarrho oppletus, alias ferè vegetus firmusq; quod compertum est, denatus est. Cæterum populi Hebræi princeps tantum XL annos præfuit, noster Regnum gubernavit quinq; supra XL, cum Anno à Servatoris ortu M. D. LXXXVII. Dominicâ III. Adventus solemni ritu à Primate Regni coronâ insignitus est. Paucis raro DEI munere hæc est concessa felicitas, tamdiu honore summo fruendi. Et facilis esset computatio, quot turres Regum Christianorum, ut Ethnicos missos faciamus, mors interea, pulsarit; infinita verò esset numeratio, ad quàm multas pauperum tabernas, juxta illud Venusini vatis, diverterit. Etiam oppidò pauci, nec totidem, quot Thebarum portæ, vel divitis ostia Nili, ex antecessoribus Regis fuere, qui in hunc censum venire possunt. Vnus CASIMIRUS Jagellonides examussum par est SIGISMUNDO: ipse generosæ & inclytæ stirpis autor Vladislaus Jagello superior, qui totis XLVIII. annis regni fasces tenuit, reliqui omnes inferiores, ut pariter David, Mosesq;, cum quo commisimus SIGISMUNDUM, pacantici amici, serviq; Deo charissimi. Quare tandem, ut Mofi benè merito aclaudentissimo Principi justa fecit populus: ita Mofi gentis nostræ, quod hucusq; me evicisse mihi persuadeo, idem quicquid est honoris, cumulatissimè debemus.

*Deuter:  
XXXIV.*

*Neugebau: in  
Icone & vitâ  
Piasii.*

*Jovius lib: VI.  
Elogior. in Si-  
gismundo.*

C 2

Quem

Quem nunc finiendò luctu mœremus quidem: at vice gratiorum omnium spondeo, polliceorq; fore, ut perpetuò nobis jucunda futura sit memoria hujus charissimi Parentis nostri. Qui sanè id virtutibus suis effecit, ut SIGISMUNDI nomen pio maximèq; grato animo admiraturi & veneraturi simus. Ejus hoc ad omnes, quotquot unquam hæc intelligent, ex ore nostro sit præconium.

*SIGISMUNDVS III. Rex à Polonis electus, Suecis natus, pacis, patientiæ, prudentiæq; artibus inclytus letho datus est ANNO CHRISTI M. DC. XXXII. pridie Calendarum Aprilis: cùm vixisset annos LXVI. regnasset annos XLV. qui vix unquam turbavit Gedanenses suos, nisi cùm mortuus est. Requiescat in pace, & orvat, vigeatq; immortalitate nominis & virtutum suarum.*

Itaque vix est opus, mei AUDITORES, ut porrò usque aded deplem eum, in primis rectâ lugendi ratione neglectâ. Nostra fata atq; mala, quæ nobis imminent in hac orbitate, hoc Sole amoto, potiùs lugeamus & metuamus. Indice digito ista ostenderem, nisi de istis lippi tonforesq; mutirent. Et expuendum esset ad malum omen, ex veterum sententiâ, non fermone exprimendum. Nemo tamen credat, nos tam abjecti animi esse, ut desperemus & hastam abjiciamus: ac Rege ad Cœlites migrante, de Regno conclamatum esse dicamus. Est Respublica Polona fortis atq; solers, videbit quid sit è resuâ, nostrâq; Sunt in eâ Proceres, penes quos summa Regis eligendi est autoritas, humanarum divinarumq; rerum peritissimi. Saltem Deum oremus, ut in optima consilia conspirent. Cum primis verò nos animat, quod certum sit, Regem, Supremum toti orbis moderatorem vivere ac superesse. Reliqui Reges moriuntur, aut, ad generum Cereris descendunt siccâ morte Tyranni. Quicquid alii arguentur, Reges Gallia non mori, quod nascantur, non eligantur. Stat enim sententia divina & lex mortalitatis immortalis. *Ego dico, inquit Supremus Legislator, Dii estis & filii excelsi: At certe ut plebejus homo morituri estis.* Ipse verò permanet à seculis in secula, principio antiquior, fine posterior, qui solus rebus omnibus principium atq; finem largitur, cùm allubescit. Ille

Ille vivit, inq; senatum Deorum venit. Eum adibimus supplices, ut vigilet nostrâ gratiâ. Romani Imperatores commisso sibi bello, antequam ex urbe pedem efferrent, Martis sacrarium ingressi sunt: ac primò ancilia, tum hastam ipsius simulacri concutientes inclamavêre: Mars vigila. Nos surdo nolumus narrare fabulam: nec nos Mars novit, videt, auditq; sed altâ voce exclamamus ad te, ô DEUS potentissime! Vigila DEUS! Vigila DEUS! oculi tui sint inconniventes super Regnum Sarmaticum & Urbem nostram. Tuum est sceptrum, ac diadema Polonicum. Voca quem vis & utinam velis, qui nobis salutare sidus sit! Vocasti SIGISMUNDUM, cùm ambirent hoc Regnum plures, ac nonnulli censerent Piasum, hoc est, Procerum aliquem virtutibus Regio fastigio dignis egregiè instructum eligendum esse. Nunc à SIGISMUNDO repetiisti fasces, ut alii eos offeras. Voca quemcunq;, ut pascat in Regno isthoc felicissimo populum tuum, quem verè adipe tritici satias, ac mellis lactisq; copiâ adobruis, ut veteri genti tuæ promissam terram incolenti hæc beneficia exhibuisti. Adde cumulo tantorum in eum beneficiorum, ut Regem inveniat, qui tibi placeat, probeaturq;. Florentissimum est Regnum, nollemus ignavo, atq; ad audendum pigro committi. Hostes iiq; & numero maximi & viribus atq; apparatu potentissimi imminent, nollemus timido sceptrum tradi. Magna seges, eaque ferè flavescens ibi Judæorum & ignorantium veræ pietatis leges est, nollemus rerum divinarum incurioso hunc honorem exhiberi. Libera Respublica est, nollemus libertatis proculcato-ri subjici. Salomonem habuimus, nollemus, ut post fata, scinderetur Regnum amplissimum. Hæc sunt vota precesque animi nostri. Tu fac bone DEUS, summe, optime, maxime Regnorum arbiter, quod vis & quod facere soles, cùm Parens optima quæque in usum liberorum efficis & dirigis. Applaudemus. DIXI. & vestram in Regium Nomen observantiam, quam hac præsentia vestrâ declarastis, laudo.

F I N I S.

C 3

SIGIS-

SIGISMUNDUS TERTIUS  
POLONORVM ET SVECO-  
RVM REX.

*Anagr.*

IS PRIMVS RECTOR, NOVVS MO-  
SES, LEGVM TVTOR,  
VINDEK.

In  
PANEGYRICVM  
funebrem.

DN. MOCHINGERI.



*Reptum sibi quem flent regna Polonica  
Regem.*

*Prussa flet ereptum quem sibi terra  
Ducem:*

*Is fortis Legum tutor, vindexq; no-  
vusq;*

*Moses, & primus Rector in Orbe  
fuit.*

*Hunc MOCHINGERÆ aquasset facundia suada,*

*Mensura immensa si foret ulla rei.*

*Illam quidem summum equavit de Rege dolorem.*

*Summus at haud aequat publica damna dolor.*

*Qui queat hæc Prussis, queat hæc sarcire Polonis,*

*Mox SIGISMUNDUM det Deus, oro, novum.*

S. NÆRANVS



PLAUSUS



PLAVSVS  
URBIS GEDANENSIS

SUPER  
ELECTIONE  
SERENISSIMI ET POTENTISSIMI  
PRINCIPIS

VLADISLAI  
SIGISMUNDI

SVECORVM, GOTHORVM ET VANDA-  
LORVM HÆREDITARII

REGIS. &c.

Domini nostri Clementissimi

AD  
FASCES REGNI POLONIÆ

DESCRIPTUS  
ORATIONE

habitâ

in frequentissimâ panegyri

die II. Decembris horâ X matutinâ

in Lyceo Gedanensi

â

JOHANNE MOCHINGERO GEDANENSI

Concionatore ædis Catharinæ & Rhetore

Gymnasii.

DANTISCI.

Sumpibus & Typis GEORGII RHETII, Reip: & Gym: Typogr:

ANNO MDCXXXIII.

SERENISSIMO ET POTENTISSIMO

PRINCIPI

VLADISLAO SIGIS-  
MUNDO

POLONIÆ ET SVECIAE REGI,

MAGNO DVCI LITHVANIAE, RVSSIAE,

PRVSSIAE, MASOVIAE, SAMOGI-

TIAE, LIVONIAE,

&c. &c.

FELICITATEM ET DIVTVRNITATEM

VITAE ET REGNI.

SERE.

*malery do paprednicy*

(113 3483)

SERENISSIME ET POTENTISSIME

R E X.



Digneat mihi per gratiosissimam  
Tuam clementiam, Tibi, Polo-  
nicâ coronâ redimendo accla-  
mare cum populo: *Feliciter!*  
In quo si pecco, cum tantâ mul-  
titudine, pièq; pecco. Teneo e-  
nim religiosam gentium omnium consuetudinem,  
quæ Regibus novis semper sunt acclamare solitæ.  
Si nondum SERENISSIME DOMINE clamor  
civitatis nostræ applaudentis Tibi auditus est, nec  
innotuere preces fratrum DEO consecratorum  
ardentissimè & copiosissimè pro Te fusæ: ego ve-  
lut silentio facto, post omnes prodeco, & exclamo,  
quantum possum, voce elatâ: VLADISLAO  
SIGISMUNDO *felicitem!* Hoc argumen-  
tum est hujus orationis, quam supplex non minus  
adorans Comitatem Tuam, quàm reveritus Maje-  
statem, quorum ornamentorum nexus, ut rarior eò  
pulchrior est in Regibus, exhibeo. Confido fore,  
ut probetur Tuæ Majestati pietas mea, vel univer-  
sæ potius civitatis Tibi deditissimæ & fidelissimæ.  
Ex cujus ingenio, postquam tantos vidi audiviq;  
Optimatum & universæ plebis applausus, hæc dixi.  
Quod eximium beneficium gratiæ & favoris Tui,  
nova nobis erit lætitiæ & gratulationum materia.

MAJESTATI TVÆ

*devotissimus*

Johannes Mochinger.

D 2

INVI.

INVITATIO AUDITORVM

**S**perese videtur, **LECTORES**, post tot argumenta publici gaudij super electione Domini nostri Clementissimi, ut Musæ quoq; loquantur in ludo nostro, veluti in domicilio suo, atq; theatro honestissimæ gloriæ, ubi coronam florum lectissimorum presentem habent, Regiq; novo Vniuersæ Urbis nomine applaudant. Atq; ego sanè, si inter vates mihi locus obtigisset, exemplo Poëtarum principis in magno quodam instituto canentis, Sicelides Musas Helicone evocarem: ut & qualis, quantaq; fuerit super hoc argumento letitia nostra exprimerent, simulq; quam benè de **VLADISLAO SIGISMUNDO** ominarentur, ipsæ edisferent, Verùm isthac de re viderint laurigeri. Ego non admordi laurum. Quemadmodum fingunt Musas Hesiodo dedisse laurum gustandam, ut eam mandens vates fieret. Nec, ut alius ex eadem familiâ, isq; nec postremus præfatur

-- fonte labra prolui caballino,  
nec in bicipiti somniasse Parnaso  
memini, ut repente sic Poeta prodirem.  
Heliconidasq; pallidamq; Pyrenen  
illis relinquo, quorum imagines lambunt  
hederae sequaces ---

Ad sacra vatum orationem affero nostram. Quamvis enim non ignarus sim meæ tenuitatis, neq; ullis fortè, aut vix mediocribus eloquentiæ præsidij instructum me sentiam, ut tantarum congratulationum ardorem & concertationes referre valeam: visum tamen est potius meam infantiam prodere, quam intempestivius silere. Audimus enim quosvis in circulis Regi novo felicia apprecari. Turpe foret quasi datâ operâ velle elinguem esse. In tantis omnium acclamationibus, ac post tot celeusmata, facilè erit interstrepere. Non secus ac valde proclive est, vel inexercitato in arte canendi inter multorum concentus sonum conari & vocis suæ periculum facere. Adde, quod affectu me adjutum iri in re tantâ confidam: ceu Atyn Cræsi filium in vocem erupisse legimus, exclamantem, ne pater occideretur, qui ad id usq; temporis mutus fuisse perhibetur. Quid letitia & hilaritas animo concepta non efficiat? quæ repagulis omnibus remotis homini etiam infanti propè verba excutit. Scilicet, ut Fabius scite ait: Pectus disertos facit. Neq; non alienum videri posset, prolixè fatum Regis amissi deplorasse: at novo in locum ejus suscepto, eoq; optimi Parentis optimo filio, ac penè eodem, SIGISMUNDO redi vivo, intra silentij limites se continere, nec verbum facere. Vtrinq; verò non vivis minùs ac fato functis Regibus persolvenda sunt honorificarum recordationum tri-

num tributa. Quapropter, quod felix fortunatumq; sit, die proximâ Jovis hora X super hac re copiosius dicturus sum è cathedrâ Lycei nostri. Argumentum Orationis pium potius erit, quàm novum vel audax aut mirabile, quod alicui in mentem facile non venisset. Eoq; non nisi hortator ero ad grates beneficentiæ divinæ persolvendas, hoc electionis nomine. Præibo postremò precibus, ut denuò ardentissime roveamus, quò firmum, faustum, salutare atq; diuturnam Imperium **VLADISLAI** sit. Subintexam plausus nostri descriptionem, ejusq; rationes. Sed auribus delicatis lenocinari mihi non est animus, neq; summopere accurabo, ut niteat dictio nostra, veluti littus Erythraeum gemmis & unionibus resulget. Satis erit mihi, si ipse cœlesti ardore inflammatus, scintillas in concionem spargam, ut animi nostri succendantur ad thaus gratiarum **DEO** debitum adolendum & suffiendum. Panegyricas Regis laudationes alij meditentur, qui ut Gregorius disertissimus Nazianzi Pontifex inquit, tubas Tyrrhenicas oratione superare possunt. Nos, ut meretur, **VLADISLAVM** alicubi elogiis nostris prosequemur; sed ita, ut præsertim in laudando Rege Regum, quem ipsi Reges nobiscum colere necesse habent, nostra sudet oratio. Neq; videri debet hoc à sacro Mystâ alienum esse, quod ad omnes, qui Christo nomen dederunt, attinet, ut Apostolus præscripsit, cum ait.

Adhortor itaq; & præcipio, ante omnia, ut pro Regibus & quibusvis in eminentiâ constitutis omnia precum atq; gratiarum genera instituantur. Idq; in eum finem, ut avertatur, quod impedit tranquillitatem, & semper fit locus pietati atq; honestati, sub regno pacato & quieto. Hoc enim bonum est & acceptum **DEO** servatori nostro. Hucusq; præco divinus.

Taceo, quòd omnium nostrum intersit illa exorare apud **DEUM**. Quare adeste, quæso, & animos non secus ac aures purgatas adferite. Rempublicam Regi commendabimus: sed & hunc atq; istam **DEO**. Pietas vestra amorque novi Regis, deniq; studium vestrum in colendis in univèrsam Poloniae Regibus, quòd multis observantiæ & fidelitatis argumentis declaratum dedistis, confidere me facit, duros vos locum petitioni meæ atq; comparituros, ut urgere vos non videatur necesse esse. Valete sub Rege novo felices. Scripsi **ANNO** à nato Christo Rege Vniuersi 1632. **VLADISLAI SIGISMUNDI** primo, pridie Domini eam Servatoris Solymam regio apparatu intrantis.

# ORATIO.

*Magnifici & Nobilissimi Domini PræConsules, Scholarchæ  
Senatores, Prudentissimi Scabini, Patres Patriæ observan-  
dis, Reverendi Ecclesiarum Antistites, Fratres sincerè di-  
lecti, Eximii Doctores & Magistri, cives elegantissimi,  
juvenes cultissimi, concio univèrsa florentissima, flos civi-  
tatis & corona lectissima.*



Vod ex hoc loco supplici voce apud im-  
mortalem DEUM, eumq; supremum,  
hujus universitatis Imperatorem effla-  
gitavimus: ut post tenebras, quas sensi-  
mus SIGISMUNDO occidente, novum  
atq; salutare aliquod sidus illuiceret, cu-  
jus ortus, quasi novi Solis, lucem cali-  
ganti Vrbi redderet, & publici mœroris invisam tempesta-  
tem subitâ serenitate discuteret, impetravimus. Impetravi-  
mus inquam cœli munere, quodq; cum primis sermonibus  
atq; prædicatione omnium celebrandum est, concordibus  
Senatus & inclytæ Nobilitatis Polonicæ Vrbi concorporis  
suffragiis Regem ac Dominum Clementissimum VLADIS-  
LAUM SIGISMUNDUM, hæredem fastigii & virtutum pa-  
ternarum, adde, quod certâ animi fiduciâ credimus, patrii af-  
fectus in nos nunquam non propensissimi æmulum. Quan-  
tus ex obitu parentis conceptus fuit dolor, quem haud ita  
pridem testati sumus è cathedrâ hac atratâ: tantum nunc est  
ex imperii in filium derivati auspiciis commune gaudium.  
Nam quod in Patre nos amisisse planximus: hoc in filio nos  
recuperasse bonâ spe & expectatione recreamur. Eam in a-  
nimis nostris obnatam hilaritatem, quum per multis argu-  
mentis publicè declaratam dederimus: hac voce quoq; intra  
præsentes sacra hujus Musarum delubri parietes explicabi-  
mus. Testabuntur illi secuturis seculis, testabitur hoc solium,  
quo applausu, quanto cultu, quantâq; veneratione VLADIS-  
LAUM SIGISMUNDUM exceperimus: ante quem nulli Re-  
gum ex hoc loco forsitan acclamatum fuit. Quum enim in  
circulis quivis è face Regi Novo apicem humanæ dignitatis  
gratuletur: laudem omninò pari jure merebitur pietas no-  
stra,

stra, si ei in hac lectissimâ coronâ felicitatem, ut breviter  
complectar, nostrorum desideriorum summam, quâ turge-  
mus, gestientis lætitiæ quasi grandem uterum ferentes, ap-  
precemur. Eo nomine necessum etiam erit, salutem ejus-  
dem, in quâ salus nostra quoq; comprehensa est, omnipoten-  
ti Regi commendare.

Quapropter, ut hinc velut auspiciatò exordiamur, Tibi  
Rex Regum sempiternæ prolixas & ex intimo corde manan-  
tes persolvimus gratias, habituri easdem, cum omni conse-  
quentis ævi memoriâ, quòd preces nostras ratas apud cle-  
mentiam tuam esse volueris. Acerbum vulnus infixeras no-  
bis, exempto rebus nostris Regniq; Univerfi vel afflictis, vel  
multis discriminibus circumvallatis SIGISMUNDO Rege  
Patreq; nostro providentissimo: tutemet ipse verò paulò  
post medicas manus adhibuisti & dictamnum digito osten-  
dens VLADISLAUM SIGISMUNDUM nobis præfecisti.  
Quam tuam in nos benevolentiam, si brevius & aridius pro  
nostrâ sermonis paupertate describimus panegyrista tuus  
sceptro lyrâq; probatus de suo locuplete penu verba nobis  
largietur, quibus te admodum capi scimus: Sanasti plagas  
nostras: liberaisti à foveâ vitam nostram: circumtegis nos be-  
nignitate & miserationibus: renovasti aquilam Polonicam,  
ut juvenescere omnibus videatur, & virentem juventam in-  
duisse. Misericors, & gratosus es Domine, & multus in mi-  
sericordiâ. Non in æternum litigabis, aut perennis erit ardor  
iræ tuæ in nos, nec culpis nostris æquus pœnarum numerus  
aut modus: emicabit clementia tua & ex indulgentiâ scele-  
rum nostrorum lauream petet. Quæ ita in oculos omnium  
incurret, ut hoc cœlum, hoc diem. Ceu patri satis erit leve  
supplicium nostrum; immò ceu benevolo parenti volupe e-  
rit non offensas tantum nostras nobis remittere: sed & nos no-  
vis indies beneficiis è censu & patrimonio tuo opulentissimo  
adobruere. Tuum hoc est in universas sub cœli ambitu gen-  
tes beneficium, vulgare quidem, ut plebejæ mentes fortè co-  
gitant, at magnificum prorsus, nec unquam pro dignitate à  
nostrâ infantiâ deprædicandum: quòd singulis suos Magistra-  
tus autoritate pollentes ordines, quibus nil minùs quàm terra  
Sole carere possent. Edifferant nobis si qui sunt, quos impie-  
tas ita

Ex Psal. CIII.

tas ita occaecavit, ut inficientur Numen tuum: quâ fiat, ut barbarissimi quiq; & ipsâ barbariâ ferociore sua sortis homines, quos saltem vulgo exemptos dignitate munivisti, tantopere exosculentur & colant, paratissimi quoq; vel fortunas, vel sanguinem, vel quicquid est carum pro iis prodigere. Unde illud quidem mentibus nostris infedit, mortalibus quibuscunq; in orbe universo timorem Majestatis tuæ esse ingenitum: similiter, ut splendorem, sapientiam atq; potentiam tuam loquitur lex Solis ab orbitâ nunquam exerrantis, Lunæq; ac cæterorum siderum ordo, totiusq; naturæ ingenium. Hæc tamen quasi coronis est hujus tui beneficii, in quâ inprimis extollendâ nostra nunc sudat oratio, quâ non nisi charos atq; familiares tibi populos ornas, quibus eos Reges adsignas, quos ipse cordium scrutator unicus explorasti & quales in rebus gerendis sint futuri, prævidisti. Ex eo censu summæ rerum apud Hebræorum gentem Sponsæ adinstar tibi adamatam præfecisti virum, quem ais amatorio sermone, secundum cor tuum fuisse, hoc est lectissimum & ad animi tui sententiam conformatum, nec nisi unum è multis. Quem filius Salomo ferè retulit, sapientiæ laude præstantior; in quibusdam tamen patre paulò inferior. Ad quos si accesserit, quem nostris necessitatibus largitus es, qui istum pietate atq; fortitudine bellicâ, hunc pacis & prudentiæ studio exprimat: ut à te votis quidem omnibus contendere ausi sumus, nec non nactos nos esse arbitramur, novum hoc tui in nos amoris, præter sexcenta alia, pignus erit. Sunt enim innumera tua in nos benefacta, etsi hoc in censum non venisset, quæ junctim atq; catervatim in mentem nunc veniunt; cum tamen unicum istud meditari fuerit animus & oratione efferendum sumere. Sive, quod quidam instinctus tuus nos de ardentiori gratiarum actione hortetur: sive, ut oppidò opportunè admoneamur, quasvis cogitationes nostras longè esse inferiores comprehendendis beneficiis tuis, cum numero pluribus, tum magnitudine admirabilibus. Itaq; nobis in eorum pensculatione accuratiùs hærentibus usu ferè idem venit, quod iis hominibus, qui illustri & claro die aciem oculorum in solem intendunt. Nam illi quidem igneo splendore circumfusi, vident atq; confitentur esse immensam & clarissimam

Actor. XIII.  
v. XXII.

mam lucem illius sideris, quod est princeps omnium reliquorum, & ut tuæ vocant literæ, vas admirabile: sed quanta fit ejus magnitudo atq; species hebescentibus nimia claritate luminibus, neq; vident, neq; sentiunt. Similiter & nos, quum animo atq; memoriâ intuemur mirifica tua & multis seminibus efflorescentia beneficia magnitudine & multitudine eorum obruimur. Si apud quenquam in obscurata est oblivio tuæ de nobis providentiæ in bello nupero atq; induciis sequutis, quibus respirationi nostræ consulere voluisti; certè in animo nostro perpetuâ commemoratione hæret. Jam per tæsi eramus calamitatum accipiendarum & reddendarum, quibus tu metam ipse unus pro voto posuisti. Hostem potentissimum & qui fortunam secum vehere videbatur, ut aliorum victricia arma circumferret, quasi manu injectâ, abduxisti. Regis SIGISMUNDI inusitatam in nos benevolentiam nutu tuo, cui parere ipsi Reges necesse habent, flexisti, ut misertus onerum nostrorum (quæ enim causâ magis eum inflammasset, quàm Prusiæ & civitatis hujus, sibi maximè charæ sub onere laborantis anxietas,) in induciarum leges consenserit, ac paratissimum animum ad æternam pacem, rectè legitimèq; compositâ, habuerit. Magna multaq; hæc sanè sunt, quum ea apud animum meum pensiculo: verum, quantò magis ea pensito, tantò penitius pernosco, ea & orationem atq; meditationem meam absorbere. Satis erit tamen tibi, sat scio, tanto Evergetæ, ut omnia secula loquuntur, nos agnovisse ista. Nunc postquam SIGISMUNDUS mortalitatis legem explevit, VLADISLAVO hæredi patriarum virtutum salutes nostras commendasti. Quasi nos notissimo hoc indicio securos esse velle juberet, fore, ut non amisisse nos SIGISMUNDUM sensuri simus, quem in filio VLADISLAVO SIGISMUNDO, tanquam Patrem redivivum Urbis habebimus. Testatur enim experientia vulgare & populo commendatissimum argumentum parentum te mores in sobole mirabili atq; occulto artificio ingenerare. Quocirca, quantumcunq; possumus, plaudimus & applaudimus tibi: signaq; haud obscura lætitiæ liquidæ damus. Præstinguit quidem oculos nostros lumen vultus tui; verum agnoscimus tamen tuam de nobis propitiam curam, quæ vicat omnium expectationem

Sirac. XLIII.  
v. II.

E

tionem

tionem & castigavit meticulosas quascunq; suspiciones. Solent interregna ferè Rempublicam variis casibus affligere: & ut nox nihil moderabile suadet: ita in interregnum tenebris, Rege quasi Sole amoto, ut quisq; est audacissimus, ita graviora quoq; non veretur patrare flagitia. Nihil tale, quod fera cogitabit posteritas, nunc vidit Polonia, quieta omnia, tranquilla omnia, quasi in Regis oculis. Compescuit quosvis laudabilis & in exemplum positus Procerum rigor, vel Regis futuri VLADISLAI præsentia, vel quod malum credere & celebrare tua, quæ mentibus quocunq; flectendis imperat, reverentia. Quem nî fateamur hoc nomine colendum esse, hymnisq; quibuscunq; celebrandum, ac quibuslibet honoris significationibus prosequendum ingratisimè mortalium simus.

Verùm, velut ab arâ me verto ad vos, AUDITORES: atq; ad eos quicunq; solemnia hæc nostra audituri sunt, meam converto orationem. Nemo, inquam, miretur nobis tam illustrem nunc esse natam festivitatis super electione VLADISLAI materiam. Nam omni seculorum memoriâ nationibus quibuscunq; celebratum fuit, Reges novos splendido pomparum apparatu & insolito acclamationum honore veluti ex orientia sidera excipere. Quid enim aliud sibi voluit apud Judæos læta atq; clamorosa ista præeuntibus tubicinibus omnia fragore replentibus, & universo populo vel millies in clamante, Vivat, Vivat Rex, electi Regis deductio: quem non nisi boni ominis & spei de firmâ ac felici administratione conceptæ causâ ad rivus vel fontium scaturigines perungebant. Apud quos recentioribus seculis receptum fuit, Regibus adventantibus vel ramis vel vestibus viam sternere, ac quicquid vel ipsi Reges jusserant, vel plebi in mentem venerat, in eorum honorem ejusq; amplissimam declarationem præstare. Quod vel ex unicâ historiâ Servatoris nostri Optimi Maximi Regis Solymam magnâ solemnitate intrantis patret. De eoq; more antiquissima ac fide dignissima monumenta eorum nos docent, cum interpretatione ejusdem arcanâ. Verùm is hodiè ferè communis est universis gentibus, nisi quod hac tempestate Reges Christiani primò & ante omnia oleo delibuti in divinis Basilicis populo sistantur. Acclama

I. Reg. I.  
v. XXXIII.

Schickard:  
in Mischpat  
Hammlech.  
cap. I.  
theor. IV.  
p. XXVI.

Matt. XXI.

clamations verò sunt quibusvis eadem vel sensu vel verbis. Qui quidem ritus omnes & magnarum rerum simulacra in se continent, & in primis gaudii è re nati testificationem exhibent. Quò spectat quoq; in inaugurationibus Imperatorum Romanorum, ac Regum quorundam bovis Trojani affatura, vini è fonticulo uberrimè fluentis liberalitas, aureorum atq; argenteorum nummorum in vulgus dispersio, & quædam alia, quibus ad lætitiæ plausumq; multitudo, velut purpurâ elephantis, incenduntur. Neq; absq; exemplo sunt nobis usurpata lætitiæ significationes, cum campanæ perstrepuere, tormenta boarum, misilia in aërem affabrè exsurgentia & mirros orbes exprimentia incensa fuere, ignes excitati & quocunq; clamori & gaudio datum fuit reliquum. Nempe quum lætitiæ ista animo concepta exultantium clamore non satis exprimi videretur: jusæ sunt campanæ & horrentia fistularum ferrearum ora gaudia nostra ebuccinare. Pariter ut ignes accensi studia nostra & mirificum in Regem novum ardorem apertissimè demonstrare debuerunt. Atq; ut nihil incultum in oculos Regios venire debet: ita quicquid pro Rege ornando institutum est: artem ostentare & industriâ commendatum esse debuit. Vide mihi, si lubet, coronas regias, ut non temerè ex auro & unionibus conflatae sunt; sed novo atq; insolito artificio distinctæ, & summâ lapidum omnium varietate compositè adglutinatae. Itemq; trabea atq; paludamentum non obiter picta sunt; sed exquisito opificio, ut solent esse Phrygio aut Babylonico opere confectæ texturæ, clara & variegata. Taceo reliqua, quæ cum naturâ certant. Ita temerarium fuisset saltem inordinatis struibus succensis Regis honorem declarare, quod populo tamen ob effusam lætitiæ indulgeri solet, Senatus Amplissimus artificiosè confectas è pulvere pyrio machinas in fumum atq; cineres redigi curavit. Si quicquam prætermisû videatur, quod tantæ lætitiæ magnitudo poposcit, aut ad tam jucundissimam hilaritatem declarandam pertinere judicetur, id vel ignorasse nos, vel in aliud tempus reservasse credendum est. Picas Psittacosq; Regem novum salutantes, quod vetus Roma mirata est, non introduximus. Quod id apud sanos in admirationem venire non potuisset, cum ut Poeta haud inelegans eleganter dixit.

E 2

Expedit

Persius in  
prologo.

Expeditur Psittaco suum Χαίρε  
Picasq; docuit nostra verba conari  
Magister artis ingeniq; largitor  
Venter

Aut si id cuiquam mirum videretur, insanus esset, si crederet esse serium, hoc est, à ratione & consilio, colendi profectum. Quin ergò nosmetipsi potius ex intimâ animi mente exclamavimus. Salve, aveq; lumen nostrum VLADISLAE SIGISMUNDE. Quemadmodum enim priscos lumen serò in sacra vel in convivium illatum excitare solebat; ut vel Χαίρε Φῶς salve lux dicerent, vel Vincamus exclamarent: quidni intuentes VLADISLAUM Regio splendore radiantem ita salvere eum jus sissemus? In divinis certè paginis Magistratus lucernæ vocantur: à Lycei verò principe lumina obeliscis al-  
*vide Cresoll: in mystago: lib: I. cap. V.*  
*II. Samuel: XXI. v. XVII.*  
*Aristotel: lib: IV. Polit: cap: XV.*  
*Procop: Cresoll: in Mysta: lib: I. cap: XIII. Sect: II.*  
tè imposta. Quin opportunum videbatur remotissimorum Thulensium consuetudinem imitari, apud quos, ut historiarum annales produnt, continua est annis singulis, quadraginta omnino dierum caligo, nullis intermicantibus radiis, & sole quasi sub terrâ sepulto. Cives autem post diuturni temporis molestiam lectos viros in montium cacumina mittere solent, ut fideris benefici primam lucem claritatemq; de longè promicantem conspicantes, ad se referant, revertanturq;. Illi igitur summis è verticibus orientem solem excipientes & suavissimâ voluptate completi redeunt in urbem, quasi prodromi clarissimi luminis, omnium civium plausu excipiuntur. Ita, neq; enim ignota loquar, omnes hæctenus anxie hoc desiderium tenuit audiendi nova de electo Rege (& eum VLADISLAUM futurum omnium sermo loquebatur): de quibus quum nunciatus advolasset ad aures nostras, gratulationes populi haud infrequentes, plaususq; haud frigidi fuerunt. Cujus ea vox communis audiebatur, profectò eodè affectu atq; sensu: Salve, salve, post tenebras istas interregni dispulsas, Lux Lumenq; nostrum VLADISLAE SIGISMUNDE. Adhæc nescire neminem quoq; volumus, præter morem tralatitium, & aliis argumentis nos esse impulsos ad hanc solemnitatem. Quæ ne lateant, summâ vocis contentione proclamare audemus: Optima quæcunque ac tanto applausu digna nos sperare & polliceri nobis de VLADISLAO. Firmat animum nostrum electio  
tot Pro-

tot Procerum ac numerosæ Nobilitatis, denique nostra ipsa eo in loco, quem fidelitate nostrâ, Regum autoritate & Primorum applausu tantum non ante duo secula obtinuimus. Quicquid aliis, iisque nec indoctis nec imperitis videatur, successione electioni Regum esse anteponendam: (cujus litis contentiosâ exagitatione nunc nò lubet interturbare serenitatem lætitiæ nostræ,) meo judicio, electio magnam autoritatem electo conciliat, eundemque subditis mirum in modum commendat: ne dicam, quòd unâ eademq; operâ spem fiduciamq; in eorum animis incendat. Succedunt quicunque, saltem qui Regio sanguine prognatisunt; at deliguntur, si res sit nostræ optionis, ut in nostrâ electione est, non nisi virtute condecorati, Ibi fortunæ ludibrium in infantem quandoque, in puerum, in imbecillis animi hominem summam rerum transfert: quâ luctuosâ successione nihil acerbius. Quod si enim gubernatori  
*vide Schuziū in Chron. Prus: p. CCI. b*  
*XIX*  
*Barclaj: in Argenid: p: CIV.*  
navis, ut cunque præstanti, filium rudem in successione non sufficimus, ne quos ille servavit, iste evertat: nec philosophiæ scholam proximis, extincto præceptore, sed sapientiâ simillimè excipit: Cur regnandi unam artem præceptorum plenissimam & ex cuius erratis omnium perniciēs pendet, pueris trademus? qui si hæreditatis jure habent, ut regnent: subditis eodem jure, ut pereant, relictum est. Haud difficile foret, quæ dicta sunt exemplis munire, sed quum obvia sint, quid opus est vulgatissima memorare. Contrà, suffragiis eligentium vix alius renuntiatur, nisi qui judicetur, quoad humanitèr perspicere potest, idoneus ad fræna capeſsenda: nec nisi vir, isque animo virili præditus, Regiisque ornamentis instructus. Si mutari mores electorum quis oggerat: ut Saulis, Neronis & Galbæ exempla testantur: audiet homines ab hominibus eligi, quos fallere fallique ab humanitate non est alienum. At nec ij, qui succedunt, spei conceptæ semper satisfaciunt, aut perpetim antecessorum vestigiis insistant: quos, cum sceptræ eorundem arripuere, haud rarò virtutum incuriosos deprehendes, propter quas majores ad fasces evecti. Neq; juvandi sunt calculo, qui ajunt litigiosas esse ferè electiones: quas ut fateamur ita esse non semel, audiemus tamen, quid dicturi sint ad eam, qualis fuit nostra VLADISLAI. Qui omnium quidem voluntate & voto ita in parentis locum subvectus est:  
E 3 ut

Neugebauer  
in Histor: Po-  
lon: lib. 1.  
p. XIX.

ut contradicentem habuerit neminem, quasi cœlesti oraculo, citra ullius invidiam, applausu verò omnium. Videri potuit VLADISLAUS ad fastigium hoc natus esse. Nam nec in Poloniâ temerè disceditur à stirpe masculâ, si qua extat; sed eligi potius debuit, jure moreq; nostro, ut tot haberet testimonia, sibi Regnum ob virtutes deberi, quot habuit suffragia. Virtutis munus esse debuit corona, non fortunæ. Quo honore, quâ gloriâ præclarior seu præstabilior ulla cogitari nequit. Certè Regiâ dignitate majus est, tantæ dignationis folio ab omnibus dignum censerî. Quum multi sint, qui aliorum virtutibus Regnum partum debeant, non suis meritis. Juventam sanè suam & eam, quam ingressus est virilem ætatem ita instituit VLADISLAUS, ut speciminibus egregiis undiq; exhibitis oculos omnium in se rapuerit: quem nemo non Patri, si quid ei humanitus accidisset, surrogandum esse diceret. Adeò velut facilè fuit Apollonio Tyaneo (quem stultè gentilitas credidit numen habere) dicere veluti ex oraculo, cum Vespasianum audiret summo mane dare operam negotiis, eaq; studiosissimè conficere, Vir iste imperabit: ita huic comparandos omnes istos divinatores autumo, qui nunc in digitos pedum se furrigunt, quod maturè prædixerint, VLADISLAUM Regem nos habituros, quem viderunt ista agitare animo, quibus suam Regno probaret industriam. Prudentium atq; sapientium hominum celeris est divinatio, inquit alicubi Peripateticorum Coryphæus. Vates tamen hos dicamus ex veteri apud Græcos jactato versiculo: quod optimè conjecerint. Severiam certè & Cernihoviam Balearidum more partas occupavit. Quorum ea laus circumfertur insignis, quod nemo inter eos, quum pueri essent, alio cibo usus sit, nisi quem perticæ illigatum fundâ dejecisset: ita jussus erat VLADISLAUS à Parente Severiæ & Cernihoviæ ducatus Marte proprio acquirere, quos cum subjugasset, Ducatum Severiensium & Cernihoviensium Administrator laudabiliter hucusq; audiit. Observata sunt hæc VLADISLAI ornamenta non domi tantum, sed & foris: ut & Imperator & Pontifex alium nullum SIGISMUNDO sufficiens commendarint, quàm hunc ipsum. Quod uterq; & per literas & per Oratores suos copiosè & prolixè accurarunt. Præcipientes istum

in mo-

lib: moral:  
Eudem: VII.  
Eras: in adag:  
p. CCCCLI.  
Alexan: ab  
Alexandr: lib:  
II. cap. XXV.

in modum optimè se Regni saluti pro more amoreq; consulere. Quorum elogia si jungas nostris suffragiis, ita VLADISLAUM exornant, ut nulla corona, nec purpura, nec sceptrum Regem ullum decorare possit. Sed quoniam hæc publicè nota sunt, frustra in iis percensendis diutius immorarer.

Aliud argumentum applaudendi VLADISLAO ex ipsâ re nobis occurrit. Adde enim, quod caput rei est, in electionibus locum esse divinæ virgulæ, cujus tam insignis in successione significatio non est, tum vel novâ hac ratione electio cum successione certare de dignitate potest. Fit enim in hac, ut Regnum capesat, quisquis editus est a patre aut parentibus Regibus, quod fortuitum esse, nec ultra æstimari scribit gravissimus autor Tacitus: non item in illâ, ubi virtutis

lib. 1. histor.

potior, quam sanguinis habetur ratio. Illic quoq; quod magè mireris, & rerum summarum potestas in foeminas cadit, de quibus ingeniosè tamen juxta ac verè non nemo.

Lansius apud  
Schickar: in  
mischpat ham-  
melech.

*Apta quidem telæ est, sed inepta est fœmina telo*

*Indignumq; viris subdere colla colo.*

Cap. 1. theor:  
III. p. XVI.

Et si quidam non impatientes sint hujus jugi, apud quos exemplum est felicitis & præclaræ administrationis muliebris. Quibus tamen vel interruptam Regiæ prolis masculæ seriem precamur, vel rebus ita exigentibus viras viraginesq; Reginas, cum errore naturæ, qualis ELISABETHA fuit sexum supergressa. Vbi porro si fiat, ut degeneres in loca majorum succedant, isto animo sunt toleranda eorum imperia, quomodo sterilitas aut imbres nimii, & cætera mala: ut laudatus autor pharmacum propinat. Longè aliter, eoq; melius se res in suffragatione liberâ habere deprehenditur. Nutus divini, velut indices rerum arcanarum hic ferè observantur: quod decantato Pindari exemplo è commentariis Polonicis docere vellem, nisi alterum ex ultimâ Tyriorum vetustate gravius videretur. Idq; ejus generis, meo animo, quod possit festivam hancce panegyri velut bellum quoddam acroama jucunditate quadam perfundere. Tyrum urbem Phœnicæ clarissimam inopinata fervorum conspiratio oppreserat: ita, ut cuncti liberæ fortunæ viri ad unum cum stirpe perierint. Servi verò oppidò rerum potiti uxores & filias eorum, quos perdiderant sibi jungunt matrimonio. Duo tantum ex omni civium numero

Tacit: lib: IV  
histor.

vide Neuge-  
bauer: in icon:  
p. XXI.

Iustin: lib:  
XVIII.



mero, senex cum filio admodum puero ob mite clemensq;  
imperium, servi operâ, cui manus parricidio contaminare re-  
ligio fuit, occultè servati sunt. Cæterum accidit, ut cum  
primùm consilia de creando Rege moveri cœpta sunt: is, qui  
domini heriq; sui rationem habuerat, totam rem ad Strato-  
nem (id nomen erat seni) detulerit. Comparatum autem  
erat inter servos, ut qui eorum postridiè nascentem solem  
primus conspicatus esset, tanquam superis rex gratisimus  
consalutaretur. Itaq; monet hominem de se meritum Stra-  
ton, instruitq;, ut cum cæteri in ortum oculos intendissent,  
ipse contrario statu murorum fastigia, quæ aliquantò priùs à  
sole feriuntur, prospiceret. Id senis consilium secutus, ille pri-  
mùm solis radium repenti a tergo demonstravit. Cæteris in  
admirationem versis ac sciscitantibus, cujus id hominis esset  
commentum (nam fervile id crederent, non potuerunt in a-  
nimum inducere): coactus auctorem prodere, de hero à se ser-  
vato confessus est. Vitâ itaq; Stratoni & filio concessâ, qua-  
dam numinis providentiâ sibi senem istum servatum rati Re-  
gem constituunt, crimen nefariæ crudelitatis in heros com-  
missæ hac numinis observantiâ expiantes atq; purgantes.  
Quod qui non videt divinâ virgulâ factum esse, nil videt. I-  
stam haud pauci quoq; observasse se ajunt in electione VLA-  
DISLAI nostri. Quod in omnium ore est, liberè in luce atque  
in omnium oculis ponim?. Divinum est, omnium voluntates  
conspirasse in VLA DISLAUM, nec quenquam de Regno  
studiis contendentem habuisse. Si annales replicare libet, in-  
veniemus non tam planâ viâ in solium adscendisse Joannem  
Albertum magni principem animi & ingenii, filium CASTMI-  
RI Jagellonidis Patris Patroniq; nostri beneficentissimi, quem  
piâ perenni; memoriâ semper prosequemur. Post hujus  
obitum equidem varia erant Procerum in Comitiiis, quæ tum  
Petricoviæ celebrabantur Regis creandi causâ, in Regis de-  
functi filios studia. Joanni Alberto favebant pleriq; propter  
ætatis prærogativam & specimen virtutis bello Tartarico edi-  
tum. Alii Alexandro natu proximo: pars Sigismundo ju-  
niori regnum addicebant. Ad summam, variæ & validæ e-  
rant utrobq; rationes; sed motus quoq; acriores. Tandem  
joanes Albertus coactus Regnum pronubis armatis, quos ip-  
se col-

Nengebau: in  
hist: CCCC-  
XXIX.

se collegerat & mater in præsidium velut auxiliares copias  
summiserat, Regnum ambire necesse habuit; quod deniq;  
Procerum suffragiis exambit, & populi foris circum comiti-  
um stantis clamore adjutus. Repetamus etiam vel leviter me-  
moriâ (nam horret animus tacitos casus meminisse) quàm  
difficilis SIGISMUNDO Parenti ad Regnum fuerit aditus.  
Ut verè dici possit, eum meliori fortunâ idem filio reliquisse,  
quàm ipse nactus fuerit. Idque non nisi fato fieri, nemo infi-  
cias ibit, nisi qui rerum harum curâ supremum Numen non  
tangi profanè inficiaturus sit. Quare laudabilis quoq; Proce-  
rum ad divini arbitrii normam consensus fuit, quorum ratio-  
nes neque obscuræ videntur esse, neque celari debent.

Quum enim benè consultum velint Reipublicæ, nihil  
videbant consultius, quàm parenti filium, SIGISMUNDO  
VLADISLAUM SIGISMUNDUM, lubitu suo, rebus opti-  
mè expensis, ut præclarus atque multorum seculorum usu fir-  
matus mos tenet in Poloniâ, liberâ creatione sufficere. Præ-  
videre eum fore gratum subditis, in quorum omnium oculis  
est VLADISLAUS, finitimis venerabilem, quem studiose  
Regno commendabant, barbaris reverendum, qui famâ de  
speciminibus ejus quicquam acceperunt, hostibus autem si  
qui sunt, aut futuri sint, quod omen DEUS avertat, facile op-  
ponendum. Quin & in mentem venisse videtur Proceribus  
semper charæ Polonis Jagellonicæ stirpis reverentia, quæ non  
minùs, ut bona ista prænomina, quibus salatur Rex Domi-  
nusq; noster Clementissimus, VLADISLAI alterum, alterum SI-  
GISMUNDI, facile eum cuicunq; Polonici sanguinis conciliare  
potuerunt. Ita legimus, Regilianum Imperatore Galieno a-  
more & applausu solius nominis esse dignum visum, cui Im-  
peratorii fasces deferrentur. Cùm enim in cænâ quæsitum  
eset, à quânam origine nomen Regiliani descenderet, ac re-  
sponsum fuisset, à Regno vel Rege, cujus varia esset per ca-  
sus flexio; ut dicatur Rex, Regis, Regi, & ita Regilianus, Re-  
giliani: oppidò milites omine arrepto acclamaverunt; Ergò  
Rex esse potest, Ergo regere potest, Deº ipsi Regis nomen im-  
posuit, sit Rex Imperatorque noster. Neque absimile est il-  
lud, aut ab hoc instituto alienum, nomen Antonini ab memo-  
riam ejus, qui pietate suâ agnomen pii sibi comparavit,

Cælius: lib.  
XXIV. A. L.  
cap: VI.

Alexan: ab A-  
lexan: lib: I.  
tam cap: II.

tam carum Romanis fuisse, ut eum Imperatoriâ dignitate indignum arbitrarentur, qui hoc nomine insignitus non esset. Usque dum Antoninus Eliogabalus vitiis suis invisum, id reddidit, atque collutulavit. Quid mirum ergo velut ad bona faustaq; nomina VLADISLAI SIGISMUNDI unum, vel alterum è proceribus respexisse: quæ aliàs tacitâ & arcanâ quadam suavitate in mentes insinuare se solent. VLADISLAI nomen aliquot Regum memoriâ celebre est, inprimis VLADISLAI Jagellonis & alterius Vladislai Jagellonidis, ut uno verbo dicam, Optimorum Regum. Inter Sigismundos verò Primus mentis corporisq; admirandâ fortitudine præditus fuit, quod & injuriarum oblivione & adversarum rerum tolerantia declaravit. Idem florenti ætate ferreas equorum soleas & chartularum lusoriarû fasciculos discerpere potuit. Hunc subsecutus est Sigismundus II. Augustus compluribus ornamentis egregius. Post, intercedentibus Henrico & Stephano, Sigismundus III secutus est, qui nisi filium sibi similem reliquisset, sempiternum in animis nostris reliquum fecisset sui desiderium. Ita Regis Dominiq; nostri nomina pensitata fuisse, non est usq; adeò incredibile. Verum familiam paternam à Jagellonica dignitate & bonitate dependentem spectatam fuisse, nihil est credibilius. Hoc nomine equidem quæsit<sup>o</sup> est pater & è Sueciâ advocatus, ut qui natus erat patre Ioanne III. Sueciæ Rege & Catharinâ Jagelloniâ Sigismundi I. filiâ. Videtur enim persuasum esse Optimatibus, quicquid sit Jagellonicum, prodesse Reipublicæ. A Jagellonis regno profecto, velut ab optimo auspicio, semper aliquid accessit felicitati & amplitudini Rei Polonicæ. Ut minutiora non persequar: Vladislaus familiæ caput thesauris suis auxit ærarium Polonicum, & Litvaniam, alterum oculum Regni, corpori inseruit. Sub Casimiro Jagellonide nos ad idem Regnum accessimus, cujus tutelam atq; patrocinium adversus Cruciferos, quod miserè nos cruciarint, imploravimus. Sigismundo I. regnante Prussia Orientalis, formâ Reipublicæ in Ducatum commutatâ, tota ab Imperio Romano avulsa in clientelam eius concessit. Sigismundi III. industriâ, Smolenscensis Vrbs recuperata, quam frustra ingentibus copiis antea obsederat Basilius, portentum hominis, nec unquam eam intrasset, nisi

Neugebau: in  
Icône Sigif. I.

Neugebau: in  
Icône Sigif. III.

Herburt: in  
Chronic: lib:  
XII cap. IV & V

Schütz: in  
Chroni: p. CCI  
& seqq.

Neugebau: in  
histo: p. CCC-  
XXXVI

Guagni: tom. II  
rerum Polon:  
p. CLXXXV.

si asino

si asino aureo vectus fuisset. A VLADISLAO Rege Dominoq; nostro Severiæ & Cernihoviæ ducatus amplissimos & rebus omnibus affluentes occupatos jam esse supra laudavimus. Quid non speremus ulterius? Nimirum ut occulto crescit arbor ævo, canente Poëta valdè bono, fixa radicibus ac frondes ramosque latè extendens: Ita familia Jagellonica à Vladislao Jagellone Duce Lithvaniæ exurrexit, ac nobili accessione Poloniæ pomœria auxit, semperq; ut ominamur, augebit. Quod quum ita observatum sit, nil mirum est, minime difficilem deliberationem fuisse, ut VLADISLAO efflorescenti Regnum suamq; salutem Proceres Reipublicæ studiosissimi concrederent.

Horat: lib: I.  
od: XII.

Ad ultimum (videtur enim me sermo præter spem in suavi argumento protractus ad finem vocare) causas suffragii nostri penitiores, quas habuimus, attexere necesse est: quas & succinctè exponam & ut decet absq; fūco, ex vero & absq; cerusâ. Quorsum enim aliò A. mei nobis vertendū fuissent animus & oculi, quàm ad spirantem vivamque SIGISMUNDI effigiem. Ejus, postquam nobis fato ereptus erat, imago obludebat memoriâ: reolebamus SIGISMUNDI in nos humanitatem: hærebamus in consideratione bonitatis & suavitatis ej<sup>o</sup>, quæ semper ex omnib<sup>o</sup> verbis actisq; SIGISMUNDI elucebant: amissi Parentis (quem ita sæpius nominamus, quòd semper visus sit nobis huc collineare, ut pater nobis potius esse videretur, quàm Rex) tristi & luctuosâ recordatione nos conficiebamus: & ecce Numinis, conscientiaque instinctus nos ad VLADISLAUM respicere iussit, in quo viveret SIGISMUNDUS. In eum modum utique & facere solere viduas in orbitate relictas, quæ ab intuitu liberorum, in quibus mariti lineamenta conspiciunt, acris ac intimis medullis hærentis doloris solatia quærunt. Ac cum eo, quo Pater solebat, blando comiq; vultu, quoq; ipse illustravit Urbem nostram, cum hîc quondam gratus hospes fuit, ac tacitâ quadam virtute sibi animos omnium conciliavit, se nobis objecisset VLADISLAUS: nihil antiquius ac magis in votis habuimus, quàm ut calitus nobis obtingeret Rex, à quo nobis polliceremur optima quæq; ac universæ civitati maximè salutaria. Ita q; cum & suffragio nostro colendus esset, nihil alacrius à nobis

F 2

nobis

nobis unquam dictum est, quàm VLADISLAUM nos votis omnibus optare Regem ac Dominum. Neq; exprimere verbis facile possum, quis ille sensus animi nostri fuerit, cum hæc vel tacite cogitavimus, vel quo perfusi sumus, quum Amplis. Urbis Legati (quibus de reditu tum salvo, tum Vrbi optato atq; fortunato totius patriæ nomine merito jureque gratulamur) ad nos detulerunt, quantam nobis spondeat Rex Novus benevolentiam. Ignosce tamen Serenissime Rex & Domine, si hæc, quæ celandæ forsitan essent, velut in theatro divulgem atq; commemorem: ut quâ ratione nos viceris, atq; Tibi devinxis, omnes intelligant. Ut paucis apud Te, non inscius paucos esse apud Reges Dominosq; utendum sermone, dicam: persuasi sumus habituros nos in Te SIGISMUNDUM, hoc est, Regem Patremque & optimum & benevolentissimum. Neq; unquam, sat scimus, nos fallat hæc tam præclara de Te concepta existimatio, cui obversatura semper ante animum SIGISMUNDI Genitoris Tui decora novimus. Qui quâ voluntate in nos fuerit, ignorare non potes, quod ejus consiliis sæpè interfueris, certè lateri assiduus comes adhasisti. Altius etiam suspiciens, oculos tuos referes ad inclytam, charitatem CASIMIRI nostri, cui ante omnia debemus,

*vide Schütz: in Chron. pag. CCIII. & CC. LXV. b.* quod immunitatibus præstantibus ornati simus. Quæ exempla, tum recentia, tum vetera, etiam nobis nil monentibus Te ita inflammabunt, ut ne vel latum unguem ab istis majorum vestigiis desistas: quorum præclara facinora atque merita, in hanc Urbem nunquam eorum memoriam senescere sinent. Fave itaq; complectere nos benevolentiam Tuam, quos virtutibus Tuis, earumq; speciminibus ita Tibi devotos reddidisti, ut crediderimus peccasse nos, nisi Tuæ clementiæ subjecissemus bona & fortunas salutesq; nostras. Securè Tibi polliceri potes de nobis, quicquid expectari debet ab optimis paratissimisq; subditis. Preces sanè omnium civium pro salute felicitateq; Tuam habebis assiduas, atq; in primis DEO dicatorum hominum, quorum si non tantus est in Vrbe nostrâ numerus, ut in aliis castris, omnes tamen, ardentissimè Tibi precantur diuturnitatem Vitæ Imperiiq; felicissimam. Declararunt hoc nuper publicè in concionibus divinæ Tuæq; Majestati votis, quarum hæc ferè summa erat, ut sapientiam sis Salomo, fe-

mo, felicitate Nebucadnezar, cum in divinâ adhuc gratiâ fuit: tum precibus omnibus fatigandum Numen, ut & Tu pulcherrimam Optimi Regis, nos similem bonorum subditorum formam exprimam. Quibus ego ex istâ familiâ minimus accedens addo breve quidem, at serium votum: Vive, vale, viresce, vigesce VLADISLAE SIGISMUNDE Rex inclyte, ut Te Deus indes magis magisq; dotibus Regiis exornet. Sis Boleslaus audax, Mieczislaus Sapiens, Casimirus justus, Henricus Probus, Casimirus Magnus, Sigismundus longævus, denique laude quacunque floreas, quæ celebratur in antecessoribus atque majoribus Tuis. Similiter reliquorum, qui mœnibus nostris continentur, fidem & constantiam in periculis, studium in observantiâ, promptitudinem denique bonorum sanguinisq; profundendi pro Tuâ Regniq; incolumitate in quâlibet necessitate, & quicquid est honoris, quod Regibus debetur, polliceri Tibi potes maximè. Verbo dicam, si magnificentiores habeas inter Tuos, Tui amantiore vix habes alios.

Postremum, ad Te Rex Regum Optime Maxime revertor oratione meâ, postquam eum Regem contemplati sumus, quem à muni Tuâ benignitate habemus: mecumque ad Numen Tuum adorandum tota se hæc concio componit. Obtestamur Majestatem Tuam & omni animi demissione, rogamus, ut adesse velis ungerendo coronandoque Regi nostro. Caput ejus orna sapientiam, pectus prudentiam, manus robore, conscientiam timore tuo, animum pietate, omnia denique membra vigore floreque diuturno. Flecte voluntatem ejus in nos, ut sit ei grata fides atque observantia nostra, veluti omnino est in manu tuâ cor Regis, ut rivi sunt in potestate aquilegum. Ita, ut quemadmodum in Regni paterni sedem e- vectus est: ita paterno animo semper invigilet commodis nostris. Faxis etiam tandem, ut cum multos annos in hoc Regno feliciter exegerit, fide fiduciamque in merita Salvatoris filii tui æternum illud regnum obtineat. Pariter commendamus tibi Rempublicam atque civitatem nostram magnâ fortunarum parte imminutam. Fatemur equidem in signe esse hoc Urbis nostræ ornamentum, non nisi providentiæ Tuæ ac Regum nostrorum laudabili clementiæ adscribendum, quod

libera sit nobis Tui cultus & præconii Evangelici exercitio:  
verùm adde tamen huic tuo in nos favori, ut liberi ab infidiis  
& insultibus hostilibus pristinâ felicitate gaudeamus. Fate-  
mur quoque, si statum nostrum conferre velimus cum vicina-  
rum Regionū ac Urbium oneribus, avara esse hæc vota nostra:  
si peccata verò quoque nostra sunt respicienda, quibus iram  
tuam atque pœnas justas commeriti sumus, audacia: licita  
tamen esse videntur apud Te benevolentissimum Dominum,  
qui & paratus es veniam dare deprecantibus, & aliquando  
gratiam delictorum fecisse corruptissimis laudaris. Pacem  
da nobis Domine. Floreat intra mœnia nostra pax aurea,  
pax aurifera & apex felicitatis Urbicæ. Procul sint à civitate  
nostrâ annonæ caritas, pestis & quicquid est lernæ malorum.  
Faustra sint omnia, felicia, salva atque prospera, sub Rege No-  
vo, Pio, Justo, Clementi, Forti, Felici. Fiat. In quo omine finio.  
Vestram AUDITORES observantiam in Regem, quam conflu-  
xu & audiendi patientiâ testati estis, ipse approbabit, si de  
eâ inaudiverit, ut non opus sit meo  
præconio.



JUDICIUM

JUDICIUM APOLLINIS

De

PLAUSU

quem super

ELECTIONE

SERENISSIMI AC POTENTISSIMI  
PRINCIPIS

VLADISLAI SIGISMUNDI

SVECIE hæreditarii REGIS,

ad fasces

REGNI POLONIE,

II. Decembr. Anno MDCXXXII.

in Gymnasio Dantiscano excitavit.

Rever: Clarissimus Vir

DN. JOANNES MOCHINGERVS

Æd: Cath: Concion: & Gymnasii Dantisc:


Rhetor.

IOANNES MOCHINGERVS,

anagramma

Acer, ingenii honos sum.

**Q**uem MOCHINGERI in Gedanensi Suada Lycæo  
Plausum excitavit de novo  
REGE, hunc audivit Musis comitatus APOLLO,  
Rogatus & sententiam  
Dixit: is est honor ingenii VIR, Rhetor is acer,  
Habet omen ille nominis.



PLANGOR & PLAVSVS

Gymnasii Dantiscani,

Ån: MDCXXXII.

SIGISMVNDVS TERTIVS POLONIE AC  
SVECIE REX,

anagramma

Ejus ampli regni sacer Jova custos, vindex est.  
En sacer Jova ampli regni custos, jus judex est.  
VLADIS-

VLADISLAVS SIGISMUNDVS POLONIÆ  
ET SVECIAE REX,


*anagramma*  
Ille pacis aura, & novus Legis vindex à Deo missus.  
Salvator legis vel pacis vindex à Deo missus veni.

**F** *Ata SIGISMUNDI flebat Gedanense Lycæum*  
*Parentis & Regis sui,*  
Cujus erat regni vigilans custodia Jovæ  
*Vindex, precèsq; pro novo*  
*Rege effundebat: Fletus nunc JOVA misertus.*  
*VLADISLAVM Regem dedit,*  
Qui novus est legis vindex, spes pacis & aura.  
*Missa à Deo POLONIÆ.*

**N** *Vnc caput id rotant. Regem plausuq; salutat*  
*Novum, agit Deoq; gratias,*  
Qui quod deposuit GENITOR scansurus ad astra  
*Sceptrum redonat FILIO.*  
*Huic, MOCHINGERI Suadâ praeunte, vovemus,*  
*VLADISLAVS REX floreat!*

Joannes Georgius Moeresius.

FINIS



Hist. Polon  
b. apud

